

4

T 3210/1432.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

平湖縣志卷二上

哈佛大學漢和圖書館珍藏印

平湖縣知縣候補同知王恒修

建置

城池學校

公署

國風有定之方中詩大雅緜之什紀作廟立門特詳國有興築政莫先焉葺爾邑而建大城二小城三而廨宇而宮室而津梁而綽楔皆因以加繁前人經營創始及修舉廢墜典章制度秩如也不詳著所自何以昭示來

茲志建置

城池

按乍浦諸城為邑城四唐故脩詳其規制于此若戍守形勢別見海防所謂義各有也

縣城程志參朱志舊無城嘉靖三十二年島倭為亂巡撫王

忬巡按趙炳然採諸生張洽等議檄知府劉懋署知縣殷廷

蘭量材鳩工興築炳然親歷縣治相度形勢至冬城成三十

五年知縣陳一謙復建東北二甕城四十一年知縣顧廷對

增加城堞高五尺置窩舖一百一十二座城凡九里高二丈

五尺廣二丈周一千六百按舊志俱作六十誤今從府劉志訂正九丈有奇陸

門五東曰啓元馮敏効堞障啓元詩湖城遠眺出滄溟千里雲開錦繡屏樓觀全收山水槩埤塼半接斗

牛星溶溶秀出占天運蔚蔚文明應地靈萬樹桃花春鼓浪一聲雷動正堪聽西曰毓秀南曰豫泰

北曰豐亭西南曰小南門水門五西南北各一東據當湖巨

浸為二東之北為水洞口萬歷間塞城濠濶五丈有奇鄞縣張時徹築城記

平湖故為當湖鎮海鹽所治地也宣德四年始折壤而邑之民以蠶稼魚鹽為業野無寇禍宵無吠驚飲哺謳歌嘻嘻如

也承平既久海防積弛嘉靖壬子倭寇蟻聚大掠于黃巖毒

流海塢癸丑夏四月遂掠平湖穴南境患至恒攘莫可抵拒

五月又掠于東湖去縣治半里許剽資貨斲耄倪焚蕩廬舍

煙焰燭天時則郡守劉懋調兵轉餉極力捍禦推官殷廷蘭

適署邑事挽舟飛控鼓勇當先寇乃稍稍引却四封騷然生

聚失業遺黎凜凜乃始僉議事城而文學諸生張洽陳貫陸

萬鍾馮敏功陸萬里陸萬峻輩實倡之殷君以其事聞諸郡

劉涕泣而言曰疆境之民吾赤子也父母之謂何而忍使橫

噬于豺狼乎此不亟圖又何以面吾民矣乃請于撫按若藩

臬諸司曰平湖東濱大海左為金山衛之背吭右為海鹽縣

之肘腋蓋賊所必犯之區也又西控嘉興實浙西之藩屏無

城是無邑無邑郡且危矣守百身不能贖惟當道哀憐之諸

司謂守言誠信次第報可請命于朝守乃與殷君揆度土方

酌規景向蓋不踰旬而經畫條貫咸井井矣時乃因其井聚

及水陸會通之便為水門五為旱門五為城樓為窩舖為外

濠為內馬道為水閘周圍一千六百九丈有奇高二丈廣如

之表裏以石覆以磚凡用官銀三萬二千八百有奇區畫既

定人百其奮夜以繼晝刻日告成而知縣劉存義適來毅然

肩之圖所未備於凡樓櫺門關濠臺鎖鑰之類罔不畢具工

啓於九月十二日訖於十二月二十日總九十九日城既成

賊未洞其堅瑕也聚驍銳數千掩薄城下我乃閉門乘城捍以矢石環視仰睇憤咬指曰城如是雖百萬其能克乎遂踉蹌而走平湖之民蓋自是得喘息矣春秋城築必書重用民也然重門禦暴設險守固先聖蓋亟言之其在今日倭患孔棘百姓皇皇莫必須吏之命是惡可已乎余因守令之請而為之碑記曰森森當湖濱於大瀆屹其邑之作鎮南服林林生齒以蠶以耕野無草竊龍不夜驚蠢茲島寇如蟻如蜂揚舠鼓榜內地是宮劉我士女剽我糗糧火我廬舍汚我冠裳民曰無城曷居曷粒今日無城曷郊曷邑守實與悼盡其瀟泣上議僉同爰究爰集乃測土方乃立表極百堵具興不戒而力崇墉巖巖樓櫓翼翼既繩既齊既匡既節狡寇匪茹張其辛螫我衆憑城一夫其百倭用震駭奔走辟易室家胥慶我哺我息昔也皇皇今也嚶嚶維彼愚人周虞朝夕維此哲人謀議孔碩猗嗟諸賢功在社稷何以報之去思無射何以永之昭

浙江通志

國朝順治十八年增高城堵雍正二年知縣林緒光詳准開濬

水洞五年知縣楊克慧奉檄重修城垣高志動帑金九百有

奇九年知縣方以恭復濬水洞名曰永新按初開時止通水至是併通舟矣

張志乾隆二十八年知縣劉國烜以備公銀二千四百三十

兩有奇復修城垣新纂乾隆五十二年知縣王恒捐俸重修

計城梁一千三十四城樓一十一座

街道新纂治前曰大街西起毓秀門橫達于龍吟閣南俯市

河其北义路凡一十有五為馮家街莫家街馬家廊下按程志作

曹家街並通方街通倉居家街在關帝廟西一名張家廊下

施家墳前通高家廊下通香街蘇家街今塞香街混堂街醬園街陰

通過家通城隍街按府柳志云舊名陳牲街學宮街並通

街並通縣大街之南逾市河曰小街起西水門橫達于啓元門中稍

折名儲家灣其南义路凡一十有四爲了髻街通韓家帶按程志有仲

家街今東廊下在萬安橋東塊王家街一作黃街通南街程志作劉

家廊下通南水門市集長街今塞官街通劉家街計家街遠而折摸奶街通大堰頭

甚幽大街通觀音堂街觀音堂街一名儲家街清水巷通乾河頭按

折甚幽大衙通觀音堂街觀音堂街一名儲家街清水巷通乾河頭按

巷湖鮮巷今俱無考胡家街桑園街並通湯治西北曰倉街直達于豐

亨門其西义路凡二爲西街爲施家墳前其東义路凡四爲臭街糖坊街董家街並通縣後街倉浜街西之南達佑聖宮後東

之南達過家浜街抵香街浜街治後曰縣後街西抵趙家浜

街其北义路凡五爲分金街通倉浜街西廊下在斜橋下通北水門馬街賀

家街楊家街北又爲橫街二曰俞家白場嚴家街並西通西廊下東通

楊家街東北逕松風臺後越北街稍南爲橫街一曰水洞街其

北义路則有方家街南逾河又有小橫街一曰學後街舊名火街

治南曰大南門街由乾河頭逾大滑橋直達于豫泰門其西

义路凡三爲司街通觀音堂街北壇街南壇街通荷花池頭其東义路

亦如之爲混堂街司後街南司街東之北爲橫街一曰湯家

浜街其南逾唐溪橋越司東又爲橫街一曰南司前其北义

路凡二爲鋸子街新開街並東司後街西之北出胡家匯爲橫街

一曰鳴珂里俗呼南河頭西抵南水門市集其北义路凡三爲揚

舉街通司新街街通觀音堂街西廊下在八字橋西塊北又爲橫街二曰

觀音堂街大堰頭逾南河爲荷花池頭治西南曰小南門街


建置上

直達于小南門其西义路凡五為三官堂街碗沙街九曲街
 後青秧地前青秧地支路其東义路凡三為西街祈堂浜街
 井鬘街並通南街西之南越俞家浜街達西南城角北抵韓家帶
 街其义路則有趙家街東之南為倪家廊下錠子街其义路
 則有倪家街蘆蓆滙北逾河為劉家滙凡城墻下周圍皆通
 官道惟水洞街及嚴家街北塞焉


按舊志于城內街道畧而不詳茲以大街小街倉街縣後
 街大南門街小南門街為之經而以各义路分綴作緯其
 中有子巷叢雜及非官路均不及脩載

縣治城內圖一


縣治城外圖一



縣治城內圖



縣治城外圖




北

治縣

湖東

南



塘善嘉

廟神火

壇厲邑 寺林西

院濟養

塘漢

院禪林西

河城

菴雲白

寺土淨

塘鹽海

乍浦城舊浙江通志縣東南二十七里程志參乍浦志明洪

武十九年十月信國公湯和置乍浦守禦千戶所累土築城

城形正方海鹽圖經初張士誠據江浙築城崇德甚雄壯信國議欲墮之移築乍浦城永樂十二

年都指揮谷祥始用石甃正統八年久雨傾頽侍郎焦宏參

政俞士悅奏令杭嘉湖三府葺治景泰二年都指揮使王謙

添設城樓四後廢嘉靖三十三年知縣劉存義增築併建敵樓

十倭變事畧敵樓凸出城外三面可施砲箭最為守城之利今廢城周九里一十三步高二

丈廣一丈五尺城梁一千七百一窩舖二十七陸門四東曰

迎暉西曰惹秀南曰朝宗北曰拱極北水門一濠周一千六

百三十丈深八尺濶十丈弔橋四知縣陳熙昌雜詩乍浦瀛壖曲遙連蘆溼場迎船桑

葉白繫纜菜花黃塔影開初地鐘聲落上方孤城非鐵甕先事慎隄防朱 示禎十一年署知

縣李懷玉開設東南水門一明許丕祚乍浦新開水門記乍

邨落通互市以是召隙洪武十九年信國公湯和練兵海上築七十餘城乍其一然猶擁土為墻埠而望之郭外人見城

中人面麋鹿可越不顛至永樂時始覆外石視昔有加正統間建言有稱崇德城孔固為偽吳士誠所築徙築於乍而發

杭嘉湖三府之廩以餼之凡數仞環以流水虓虎之士戍其中遂成天塹而猶恨昔人經畫之疎也為門五水僅北關居

一城中人如在甕中遇警決而灌之則沉竈久即魚鼈死壅而塞之則又竭城中人不舉火又其甚者乍之城凡四面南

郭而外即古戰場稍出又大海其西則民以鹽生牢盆聲達數十里稍有餘土一望葦茅不耕北雖原田通湖邑民有米

咸走湖間來乍亦罕惟東南數十百頃獨近乍田腴歲穫畝一鍾貿易相通乍命咸係而其坎不鑿太平猶可一旦有警

米在山中門懸天北至則盜糧不至則民且枵腹是莫大之憂也是以嘉靖時倭寇偵知內犯擁據上流城中之水東南

之粒又遭堵截城中兵軍撮塵而食溲溺而飲不戰自潰剽殺係囚引頸貫索士女聚麀腥聞於天長老言之猶為流涕

至於軍丁凋瘵火變時起與夫地脈底滯雖有淵雲之才莫不抱瑟王門奏輪主第猶其害之小者萬歷時豫章太室趙公備兵巡海指示方畧欲東建水門以禪守禦而于觀山之頂建浮屠七級其留意于地方甚厚後因必需公帑邑侯臬菴陳公無策事遂寢崇禎十一年二月里人合辭上請並得俞其說而署縣宰吉陽謙菴李公適至郡侯鴻達鄭公業首屬之兵憲香城葉公又視師臨鎮遂以建築之事一委李公李公仁心為質兼精形家親臨卜視酌于巽巳之方建水門一座爾時操築未幾入地丈許得椿木一小方石一上著卜吉二字深入石膚拭之不去二物並當卜向處不失絜黍因嘆公目過于曾廖即昔人籌畫若信國公厥有深意未可思議李公復首助贖緩為地方捐助之倡撰文鼓舞繼以良諭開愚懲阻事方半新任元萼吳公至一如李公因嘆二公之志何其似我趙公也客從豫章來聞趙公物故十九年而二公克成其事神而有知當為加額惟浮屠未舉始於崇禎十一年四月成於明年十月鑿新河七十餘丈舊河狹淺者增鑿三百餘丈時董其事者則有地方耆賢陳堯中張文奕劉士鼈丁文鸞劉應潮吳彭王建章因思客冬讀書一葦禪舍周子斌起過訪談及東南水門事遂附里人李孝廉蜃園之末合地方而請之復請王君景儀白君啓元監策諸耆指畫

經營功成咸二君力若不祚與周子幸免罪戾何功之有焉
按記中載拆城事在正統間考府柳志云洪武十九年海寧衛奉都督府勘合將崇德城拆運公用趙志云
 以築乍浦也大約先經拆運至是始行修築耳

浙江通志

國朝雍正五年移滿洲駐防官兵駐劄乍浦繕城濬濠峻整深

固百倍往昔乍浦志設陸門盤詰廳四各三間水門盤詰廳

二各二間滿洲呼為堆子房每門佐領驍騎校率兵十名更

番值宿掌門之管鑰以時啓閉張志乾隆十年知縣高國楹

濬濠紳士釀工費銀二千兩有奇十三年水門內並築石閘

二十五年知縣劉純焯以備公銀二千一百四十兩有奇修

城垣三十一年知縣周昭仔奉檄復修支用備公銀二千六

百三十八兩有奇四門並建城樓

梁莊城一統志縣東南四十里明正統五年四月巡按李奎以其地為倭船最衝奏建大寨築城海鹽圖經參程志周八

百丈高一丈五尺城樓二角樓四按舊省志云周一里高二丈池濶二丈深五尺與此

小移海寧衛指揮一員鎮之廳事儀門庖廂共十六楹設演

武場在堡外西南周二百三十丈亭及將臺如乍城與諸小堡規制頓殊

矣嘉靖三十三年倭寇失事遂置不守四十年知縣顧廷對

謂梁莊為金山乍浦接援之地申議移乍浦巡檢司居之仍

設官兵以時防禦徐志鼎詩此地昔稱險荒城築李奎草深埋馬足風急亂鳥啼古戍寒雲淡平沙落日低當年誇戰伐夜夜聽征輦

獨山巡檢司城嘉興府柳志縣東南四十里在獨山南宋元

俱名故邑巡檢司明洪武十四年改名乍浦鎮巡檢司移駐

乍浦十九年乍城設千戶所巡檢張觀音奴建城于獨山居

焉城周一百二十丈高一丈五尺濠深二丈濶一丈五尺按舊

志作濶五尺白沙灣同並誤今從府圖記核正

白沙灣巡檢司城程志縣東南五十三里嘉興府柳志元為

蘆瀝巡檢司駐廣陳鎮西明洪武十九年改今名巡檢辛克



名築城于此居焉城周一百二十丈高一丈五尺濠深二丈

濶一丈五尺新纂東西門各一內有施王廟廟左有白沙泉

沿海居民賴之城北隙地十餘畝相傳舊時演武場

乍浦城圖一

乍浦城圖



公署 按舊志各署皆不著明間數兼多脫漏茲分城內鄉鎮遵會典官制排次惟廢署止載舊設處所附于現在解宇後以存古蹟凡廢書院廢關梁圮坊並倣此

知縣署嘉興府吳志明宣德四年吏部員外余亨相地于當

湖鎮中壽康道院之西 部劄欽差吏部員外郎余亨勘得當湖一鎮浦柳環繞于東北山海拱衛

于東南玉帶河為托鸚鵡洲為峯誠列雉建署之會現為居民陸廣等之基中係祖塋兩旁族居并宗祠及壽康道院餘地本部奉命相度形勢定此地為縣治一面奏聞令該縣擇一空地聽廣移去祖塋其族人各令別遷在士庶為分無逃

在朝廷為恤民隱官民兩便仰縣一面料理候旨定奪右劄下海鹽縣准此宣德四年八月

月知縣王簡創建 改道院為理廳道房為令 正統九年知縣

徐韶宏治四年知縣林奇相繼營建 吏舍 規制畧備正德十

六年知縣郭天錫建大堂曰忠愛 又建應宿樓 嘉靖十六年知縣

黎循典 築圖墻按舊志不載 二十五年知縣李僑 建丞署

室書 三十一年知縣楊挺高 建譙樓親賢館按孫校 天啓

中知縣顧國寶 塞各衙旁竇 先後興修犁然畢具中為忠愛

堂堂東北為永盈庫架閣庫西北為供招科樹石為戒亭 萬

丁未知縣蕭 東西廊分置六房南為儀門左右有角門門外

鳴甲改為坊 西為犴狴東為土穀祠有側房東西向為儲鹽所稍前右為

延賓館左為巡捕廳 天啓丙寅改 中道為譙樓左右翼為旌

善申明二亭堂北為腰堂左右置牖又北為燕堂 正德中知縣王璽建

東為軍器房西為冊房轉而東北則私衙內也中有廳事左

右為書室後樓三楹為寢室東為庖為侍者房西有側廳後

平胡縣志 卷二 建置上

三

有觀月臺曠地數十武堂東為贊政廳進為龍亭庫為清軍衙天啓丙寅裁缺又東為督糧衙折而南為典史衙朱志

國朝順治十八年知縣金鍛重建大堂改題曰潔愛金鍛重建縣堂碑記

縣治舊為當湖鎮隸海鹽宣德五年割百十四里分設平湖惟時廳事草創無全宇正德十五年福山郭公始建忠愛堂應宿樓而規制犁然畢興嘉靖年間長清李公重加修葺嗣後無記載者閱歲二百有奇墻垣廢圯棟宇傾頽臨民之地懼將壓焉順治丁酉冬釵來蒞茲邑適踵前人敝壞之處何敢委之後人迺先建龍亭庫明有尊也次修譙樓肅大體也諸所急者稍稍就緒至于大堂工費不貲未敢越速舉行越辛丑竭所有官俸庀材鳩工盡起而更新之其不足者告諸紳衿里者倡義量輸以勸厥事不佞簿書之暇躬自董理高則倍尋廣則累丈悉如舊制而中後二堂次第兼舉計三月初四日起工四月二十日告竣於是進諸父老共觀適成廼伐石而為之歌曰維彼堂兮百年於今我適來兮圯而復興民力艱兮首為捐金衆樂擊兮厥工以成登斯堂兮孔邇攸稱求無忝兮實勞我心煌煌

功令兮催科靡寧哀此窮黎兮撫字良殷湖水澄泓兮矢比其清出入戴星兮日慎與勤如履如臨兮守茲官箴勿翦勿伐兮深愧棠陰舊令尹告

新纂乾隆四十四年知縣張力行重建改大堂曰平政凡三間前軒三間堂東土地祠一間舊贊政廳

廳東有龍座乾隆二十五年傾寶房一間贊政廳一間堂

知縣劉純煒奉安德藏寺大殿

西三相祠一間舊批批迴科一間堂號房一間供招房一間

東廊吏房二間鹽法科一間俸給科一間戶房二間禮房二

間承發房一間西廊兵房三間刑房三間工房三間堂下甬

道立戒石儀門三間左右角門各一間門西為監獄監門一

座獄主堂一間犴狴門一座東提牢房三間廊房一間西外

籠三間緊門一座東籠三間西籠三間女監一間週圍夾墻

內外支更房二間大門三間上為譙樓堂北二堂三間其東
庫房四間軍器庫一間稍前架閣庫三間二堂東北為內署
宅門一間東耳房三間燕堂三間移二堂舊額顏之東書房二間西

古藤書屋二間寢房五間樓五間厨房三間又西曰西園觀

圃五間乾隆四十年知縣劉雁題建詮香書屋三間天香亭三間康熙間知縣董

天眷耳房十間知縣張力行記已亥春余奉憲檄調當湖案牘稍暇周覽廨宇有若跛者有若蠹者有頽

廢不理者諸吏惴惴負廡壁而從事爰鳩工庀材繕修白頭

門始門以內有堂三重撤而更新之大堂顏曰平政政平而

綱紀畢張也二堂曰人情為田順人情以為教養也三堂曰

燕堂公退則思政于此不敢康也堂後築室五楹樓五楹以

供寢息西偏有園口觀園前令劉君雁題築余治其院落繪

蒔花木參鶴鹿以自怡後有亭曰天香董君天眷所重葺今

更繕完之亭前有隙地復築室五楹曰詮香書屋取晦堂老

子聞木犀香詮無隱之義為羣從讀書所三堂迤西而南為

古藤書屋庭有藤天矯鬱蟠傳係初建治時物其他內而五

庖馭外而科房次第整理皆捐俸為之用書之以諗來者

十一年知縣王恒改燕堂曰無倦堂五十四年又于天香亭

東建軒一楹顏曰就樹王恒就樹軒記署西北有碧梧一株掩映扶蘇干霄蔽日埋沒於荒蕪

廁間予久惜其位置之不當也思所以祓飾之年來公務倥

惚刻無寧暇田疇水利壇壝城郭幾經殫力經營更歷歲時

稍稍有就緒去秋入

觀蒙 恩許

晉一秩行且量移他往恐斯樹之終歸蕪沒也乃撤其荒穢
闢其址基繚以周垣蔣以雜卉於樹下構軒一楹以消長夏
時與僚友飲酒賦詩其間綠陰滿窻日光微漏炎威酷暑頓
爾相忘有時風雨徐來葉聲颯颯則心骨為之俱清益嘆斯
樹之庇廕良多而斯軒之築不容已也軒既成
客有以移牀就樹之說進者遂取以名斯軒

按張志縣署詳近畧遠且敘列前後稍紊茲為更定又署

舊有軍轎房二間在儀門東皂隸房三間在儀門外快役

舊有軍轎房二間在儀門東皂隸房三間在儀門外快役

房三間 在大門東 民壯房三間 在快役房東 捕役房二間 在大門西
舊申 自新所 五間 在獄前舊儲監所及寅賓館 乾隆五十四年奉文撤毀

縣丞署嘉興府柳志 凡二所清軍丞在縣堂正東 天啓間改為巡捕衙

管糧丞在縣堂東北新纂後圯假寓城隍廟乾隆十六年知

縣閣公銑撤崇文書院重建于縣堂東北 縣丞孫象治碑記

一邑之風土人物合不逮知者成就謬焉縣治東故有丞廳

前人懼祝融之將及也而廢之久矣辛酉冬余自會稽量移

茲土訪廳事但見荒榛斷梗馳驅奔竄予嘆悼之丁卯春昌

黎閭使君蒞當湖與材敷政次第舉行顧念丞廳闕狀謂予

日設官分職各有所司廳事廢則公亦廢矣昔崔斯立日哦

松下公事不治非所語于今日也尋因予奉使數年奔走不

暇而丞廳亦遂不問越庚午使君因舊書院僻在梵宇且湫

隘不足改為乃別營治于南司萃諸生督課之復謂予曰吾

將樹君署矣爰各分廉俸撤舊書院以勦其事去其棟楹磚

瓦之腐損者益以梓材增以黝堊一新故跡闢蒿萊而為之

堂室門廡無不畢具越明年成予乃刻著于石以誌經 五十

營之善若夫足蔽風雨免借一枝是又余之餘感已

三年縣丞彭澤濂重修并建內署 彭澤濂桐陰書舍記余自

歷覽廳署具如規制繼閱前任休寧孫公碑記知為昌黎閣

使君所重建心甚避之惟是寢處湫隘無以為退思之所幸

後有隙地頗堪締構然蒞任伊始諸務叢集無何又以使事

頻承絡繹道路亦竟置之年來事值簡靜因召匠作剪荆去

穢築書舍五楹左右各架虛廊以通出入先是地有梧桐一

樹高數仞大合抱適倚舍前清風自生翠烟自留徘徊瞻顧

致足樂也遂以桐陰顏其舍由舍迤東而北西向復結數椽

為藏書處而案牘整理亦于斯寓焉舍西墻外更敞一長廊

接武後屋續又增補繚垣若干丈全其界限而委巷之嘈雜

亦遠不數月間頽敝之署煥然改觀矣是舉也聊以補前建

之不足而于丞職實有裨益云至丁料所需悉 大門三間書

出已俸無庸記止記其經始之由而勒諸石

吏房一間大堂三間 顏曰二堂三間書房五間寢房五間厨

平海縣志 卷二 建置上


房三間耳房三間

主簿署新纂舊在縣大門內東天啓六年移縣堂東今仍在縣大門內東乾隆十六年知縣閻公銑重修題其門曰佐令之署四十年主簿姚興滋建書屋于堂西大門一間三相祠一間書吏房一間大堂三間二堂三間書房三間寢房三間耳房一間廚房一間


典史署新纂在縣儀門外東大門一間書吏房二間門房一間大堂三間二堂一間書房二間花廳三間寢房五間

按主簿典史宜列訓導下茲因其署在縣理廳左故先列于此若滿營水師營嘉協營亦各以類相聚不復錯雜


縣公署圖一



縣公署圖



建置上



教諭署程志在明倫堂東明嘉靖三十九年教諭曾士彥建

嘉興府柳志 三座九間 萬歷三十一年知縣王義民為教諭林維暹建

鳳翥軒三間在儀門左教諭趙嘉暹鳳翥軒詩依然燈市好

枝漏深紅燼落僮倦綠樽遲壁月正盈詩客賦皆千字官梅行 未許諸君去天明覓畫師 高志 雍正二年教諭趙瀚重建

新纂乾隆三十一年教諭周大樞樹梅十株改題曰有梅堂

御纂詩

張誠梅花詩話 周元本跋云學舍舊無梅余為栽十株乃遵 經折衷標梅求賢實七實三之義遂以易舊額云初種時上 元試放一花端門先生贈詩云手種寒梅講舍傍試 花恰趁開戰場等閒莫贈長安客珍重會家一瓣香 五十三

年教諭何蕙重建題其堂曰飽經何蕙重建署記 署始于明 嘉靖庚申曾君士彥建立

國朝雍正甲辰趙君瀚糾費重建距今又六十餘稔矣棟柱朽 蠹墻垣傾欹勢難苟安謀欲更新之而細于力今年春茂才

陸生子鐘何生淵上舍沈生國樞何生永濟以修署請于邑 侯王明府侯嘉其義捐廉俸為倡即延陸生等董其役邑紳

上各捐資以助鳩工庀材不數旬遂告厥成署前舊為軒二 楹次則堂又其次則寢各二楹寢之前有廂各二楹堂距軒 數武左為西廡右逼經義齋不得展寢尤卑隘諸生乃相地 之宜撤軒為庭堂與寢各退舊址數弓遂增昔之三楹為五 高踰于昔二尺許廂亦少加廓焉洵足以容講席適啓居始 所謂儉而有度者歟夫物之廢與成毀不可預知以予之固 陋覩居諭教之任惟職業不修是懼于斯字奚啻傳舍則念 紳士茲日之經營况瘁尚義急公能不重有感于予心乎爰 敘其巔末 大門一間大堂三間東西書房二間寢房五間廂 房四間

訓導署嘉興府柳志凡二所各六間程志明宏治四年教諭

林光建新纂一在崇聖祠右今廢 一在明倫堂東大門一間

大堂三間書房二間耳房五間寢房三間

按舊志教職署入學校因係官廨改列于此

駐防平湖汛署張志在縣治東陰陽街康熙三十一年建德藏寺志畧大門一間大堂三間內樓三間側房二間廚房二

間營房二十一間馬房二間大悲閣向為防兵所踞污穢佛地茶毒僧家者幾四十年康熙

丙寅九月寺僧淨源清潤等具呈撫憲金鉉飭縣清查時以捐資擇地安插弁丁詳允在案至壬申三月始議縣治東偏隙地建造營房寺僧捐銀一百二十兩又募輸銀一百九十兩併大悲閣五間移作駐防公署勒石永禁防兵不許復擾

僧舍

陰陽學嘉興府柳志在永豐橋西宣德五年建正統七年遷

德藏寺西久廢

醫學嘉興府柳志在永豐橋西宣德五年建正統七年遷壽

康道院街南久廢

僧會司嘉興府柳志在縣治東一百步德藏寺德藏寺志畧在地藏殿

道會司嘉興府圖記在縣治西一里佑聖宮東南隅按舊志作祐聖

道院誤宮為宋景定中建道院在廣陳宋建炎中建圖記可考也

按四司署前明已廢不復建應退列于末但其官現存例得次駐防後

布政分司署嘉興府柳志在縣治西二百步正統六年縣丞

周亨建程志永豐橋西宣德時陰陽學醫學基也久廢

按察分司署嘉興府柳志在縣治東五十步宣德七年縣丞

孫華建程志壽康道院東名東司久廢

兵備司署程志在縣治東南一里舊福源寺基嘉靖三十四

年知縣劉存義建名南司久廢

當湖務署嘉興府柳志在縣治西二百五十步宋皇慶二年

設明洪武初改為當湖稅課局正統二年裁改十二年復設

程志正德二年巡按楊滋奏請歸縣嘉靖元年知縣郭天錫

改為公館後廢

右城內

公衙門新纂在乍浦東門內

按高志作滿洲城內誤

乍浦志雍正七年

建大門三間儀門三間大堂三間廊房六間馬房四間恭遇

萬壽冬至元旦節五更初各官齊赴公衙門拜賀謂之坐朝拜賀

訖副都統以下分兩行席地坐不交語移時散每月朔望黎

明時各官咸集謂之上衙門筆帖式宣講

聖諭畢副都統踞牀坐協領同知以下各分位坐講論公事然後

散其他逢五逢十惟滿洲營官弁及理事同知赴公衙門海

防同知叅將守備不與焉

海防同知署高志在乍浦東門內乍浦志明兵巡道行署基

所謂大司也

按程志在城中

雍正二年設乍浦水師營遊擊黃天寅

建為署七年移駐南門外改為今署八年同知張若震更新

之大門三間儀門三間大堂三間廊房八間後堂三間花廳

三間書房六間內室六間小屋一十五間

按省志引雍正六年所修縣志云康熙五十七年改把總

司署為海防署疑有誤考總司署順治間先已改為守備署未聞續有改建也府吳志云總捕廳因新移暫賃民舍尚在議詳另建或當時會有此議署知縣白環遂據以申詳耳

理事同知署張志在海防署東明乍浦千戶所基乍浦志康熙六十一年海防同知曹秉仁建為署雍正七年設滿洲營改為今署大門三間儀門三間大堂三間花廳三間書吏房一間內室六間書房六間小屋一十二間又獄十間在署後之西偏

蘆瀝場鹽課大使署嘉興府圖記在縣東北三十九里蘆瀝

市東明洪武元年建兩浙鹽法志萬歷四十六年移置縣治

之南門程志竈戶趙志奎等具呈巡鹽御史胡繼升飭縣查議知縣陳熙昌陳利害最悉繼升批云據蘆瀝場原建有公署在縣錢糧無盜竊之虞改折無督煎之擾鹽引樂捷近之途輸課無稽誤之苦則移署縣城寧再計哉况縣署廨宇堪住一官傍有空地拆舊場物料更置之見有估修銀可動何遲疑不決也隨于戊午十月遷建南司左

國朝康熙三十九年因離場太遠復移新倉鎮高志纂今在全

公亭雍正六年鹽商捐建大門一間大堂三間書吏房二間

二堂三間樓房三間廩房三十二間竈舍一百一十七

乍浦巡檢司署張志舊在獨山今移乍浦北門內詳城乍浦池

志初移入假寓僧寮康熙五十三年里人宋炳等捐資買民房十二間改為署

白沙巡檢司署海鹽圖經在白沙灣海岸詳城新纂舊署已廢今假寓新倉鎮關帝廟

滿洲水師副都統署張志在乍浦東門內環以城協領以下署附列左右並雍正七年建乍浦志大門三間印房五間大堂三間耳房四間後堂三間花廳三間內室五間廂房六間小屋六間馬房四間

協領署乍浦志凡五各大門三間正廳三間內室三間小屋六間
佐領署乍浦志凡一十有一各大門三間正廳三間內室三間小屋三間

防禦署乍浦志凡八各大門三間堂屋五間

驍騎校署乍浦志凡一十有六各大門三間堂屋三間

左司署乍浦志三間

右司署乍浦志前三間後三間

筆帖式署乍浦志凡二各二間

乍浦營水師叅將署乍浦志在乍浦南門外湯山麓雍正七年建大門三間儀門三間大堂三間耳房二間廊房十間賓館三間箭廳三間後堂三間書房三間內室五間小屋二十間馬房三間

左營守備署乍浦志在乍浦南門外教場雍正二年建大門

三間儀門三間大堂三間廊房六間後堂三間內室六間小屋四間馬房三間

右營守備署在乍浦志在乍浦南門外陸家橋乾隆二十年建大門三間儀門三間大堂三間後堂三間書房三間內室五間小屋五間

左營千總署在乍浦志在乍浦東門內綠旗水兵營雍正八年建

右營千總署在乍浦志在守備署側乾隆二十年建

左營把總署在乍浦志凡二左司在乍浦北門內右司在守備署西並雍正二年建

右營把總署在乍浦志凡二在守備署左右乾隆二十年建

按滿營水師營各署前志不詳並從乍浦志採入

嘉協右營守備署海鹽圖經在乍浦南門內明備倭把總署

嘉靖九年把總杭州右衛指揮楊和建二十一年把總杭州

前衛指揮陳鳳四十四年欽依把總章延廩重修海鹽董穀

欽總司記武原三關在乍浦志最要故有帥司隘且敞癸亥北川

章公奉命以都指揮視師四衛所欲新之謀於憲副肖溪王

公遂白少司馬劔門趙公報可乃檄平湖尹直齋顧侯主之

庀工須材卜基於南門之內為廳事五楹穿堂三楹後堂五

楹室十有六門二前左有祠以奉土神前右有庫以貯旗幟

東北隙地別為書舍者三以便休憩馬廐庖湑井澗各得其

所雖其費出有司而經營量度綜理周密則皆公心思之所

在也公為會稽簪纓望族海上自倭變以來挺身赴難水陸

鏖戰如柯橋馬嶼龕山龍山南田南灣石塘烏牛等處所向

克捷於是劍門趙公疏聞乃授今職蒞任選驍騎葺城壘修

建置上

戰艦簡士卒飭烽埃比旗幟戈矛劍戟張弩煥然一新精銳
 堅緻興義學使人知方以故東南賴有重鎮焉而公顧以餘
 力營作官廨為悠久之計如家事者可多得哉予述其事而
 系之詩以紀不朽之績詩曰武原之北當湖東中有千螺蟠
 如龍山環水遠巨海衝是為乍水屯兵戎島倭窺伺來艤艦
 鎮以大將摧厥鋒偉哉元戎武且忠謀新幕府當元冬落成
 於春規制雄將非人力其神功君子居之安以榮一洗簡陋
 加尊崇蛟鱷遠避朝貢通永奠溟渤消邊烽我作歌詩貽無
 窮

乍浦志

國初改為守備署大門三間儀門三間大堂三間廊房六間穿

堂三間花廳三間箭廳三間書房三間內室五間小屋五間

馬房二間張志軍裝庫一座

按武職中外委各員不設署俱賃房居住不備載

嘉興鹽運分司署嘉興府圖記在縣東北三十九里蘆瀝市

元鹽課司公所基明太祖吳元年建後廢

乍浦稅課局署新纂在乍浦元乍浦務明洪武初改建宣德

初裁廢

廣陳稅課局署新纂在廣陳元廣陳務明洪武初改建宣德

初裁廢

乍浦河泊所署永樂海鹽縣志在乍浦即元市舶司明洪武

十四年改建宣德初裁廢

按海鹽圖經云乍浦局在未析縣先革廣陳局及河泊所

析縣後隨革

乍浦千戶所署海寧衛志在乍浦東門內

兵巡道東

明洪武十九

年 建又千戶職基各四畝百戶各二畝俱久廢

海寧衛後所署九山續志在東門大街乍浦所西兵巡道西海寧

衛志明正統七年千戶李亨通建久廢

按乍浦舊署尚有明兵巡道及浙西總二署已見海防同

知嘉協守備條下不復提出

右鄉鎮

學校 按興賢育才莫隆于學其間釋奠有器鼓篋有書

以及生徒之數廩給之資皆宜詳載外此若書院若鄉塾所以佐學之不逮者亦附書于此

學宮嘉興府柳志在縣治東二百五十步明宣德五年吏部

員外余亨卜基創講堂

程志舊皆民居亨遷于東林寺基平湖縣廟學志學基坐落二十一都鳴

墮字圩一百三號萬歷四十年教諭張蔚然因民居顧善言等侵佔西南隅基牒送知縣朱欽相飭拆遷讓丈實一十四畝九分有奇立石戟門記事康熙六年知縣倪适丈增為一十五畝八分二釐一毫南臨大街東西西北為火衙濶狹相等今西南賃地造屋者七姓並止兩進每年徵租銀一十兩兩學收作葺署用

禮召義民陸珪大姓沈昊建大成殿東西廡明三原溫純始建廟學記平湖

學宮自縣人陸迪功珪始迪功故以孝友博學聞景泰中施穀種施棺瘞餓殍千詔授迪功郎故稱迪功云初建縣會時拙力不及廟學迪功曰范文正何人哉以其宅為吳學矣士無廟何瞻無學何羣吾與以資豐後人寧佐公家急使士瞻且羣於斯耳于是捐資構大成殿又同縣人沈昊佐建學宮後嘉靖三十二年以海寇城城而東南缺焉迪功會孫刑部主事某復捐貲如形家言為浮圖以當文筆士二百年瞻且羣於斯估畢簪級翩翩矣而迪功後顯者有程鄉令張光祿卿淞少司空杰主事杲太宰光祖郎中夢韓督學使光祚而光祿與沈氏後又俱首解為一方文獻之冠蓋先是廟學工甫訖縣令酌酒仰天為陸沈兩家祝願世世簪綬不絕已果然人謂縣令言若券云萬歷十五年余監越諸士子思迪功

不能忘請記余時及瓜代未有以應也無已則申其義以勗諸士子夫迪功為文正矣文正志在憂樂何論顯晦藉令迪功當仕有官職寧遺餘力不為國家豎鴻鉅之烈若文正而廟學焉急迪功家食即力不及廟學有任之者不難以越俎解而廟學焉急豈其不以資豐後人而復為後人瞻且羣焉之地以媒進抑天子以迪功故登進其後使世世簪綬不絕以酬功勞必不然矣和氣融洽應若桴鼓故遺後人以慶之餘而迪功不知為迪功陰酬其功於異世而天子不知治平之極通物我貫天人由一隅以風而天下士亦不知藉令士第知佔畢已爾又第知簪綬已爾國家建廟學始願豈若此亦謝迪功識遠矣記成太宰拜今官方持衡以待正統九年士而天子之治平賴焉宜有以風士余企望之矣

知縣徐韶修講堂天順六年知縣張寧于殿西改建明倫堂經義治事兩齋前為儀門又前稍東為儒學門成化十年知縣郝文傑建戟門櫺星門門內名宦鄉賢兩祠規制始備十九年御史劉魁買臨河民居以拓門逕嘉靖十七年知縣黎

循典重修併建啓聖祠敬一亭

以貯明世宗敬一箴碑故名明海鹽鄭曉重修儒學碑記

嘉靖丙申平湖重修廟學又明年成參政趙公漢里居並學過余百可園問記辭不獲乃記曰平湖縣首建廟學歷百年餘礎欹棟撓禮教弗稱縣大尹華容黎侯謁奠既虔遘圖繕葺取賁於鼎去蠱於革樹表維隅籌約費務役書甫授馨鼓弗勝於是崇殿遂庶足以嚴聖隆儒豐堂麗齋足以闡猷陳教高墻曲桁包絡東西密室穹門內外閱整雍館合巽名賢異祠習肄聯廩器殊鑰繩引鈎錯度法咸宜丹堊塗茨仍改並飾若前迫囂市衢道湫塵畫地懋塵增其式廓秩干右注則俯闕清冷匯波左縈則遙瞻沃蕩偁奧霽開冲勝涵集吉壤奇觀於是乎在雖新宮之軒正泮水之雄深何以加焉矧其經始弗徐落成弗亟剡淫就正先說後勞萬力千金低昂劑量官無會財民無苛贖經正育材之功節用愛人之意胥得之矣凡我友生履茲聖域修息之際能無詮擇惟明興設教敦用經學化端統一道術均齊非聖賢之書曠然放距循習既久論議漸滋支離訓詁附和日繁翦拔奇衺嚮歸純正聖訓王制是守是迪撫壯自求崇此明德凡我友生責也慎哉慎哉黎侯名循典愷易廉明有惠政趙公漢淳懿簡諒出處大節皦然按府圖記載黎前知縣周仕黎後知縣李

僑並重修 三十二年教諭韋鑾訓導朱恩葉臻修學門建魁
各志失載

星樓 按孫校有記立石 四十二年知縣顧廷對重修並建塞
儀門記冗不錄

門于櫺星門外繞以朱欄臨河置石欄二十丈有奇東南隅

建龍吟閣高七十丈 廟學志基鳴隍字圩一百一號趙伊龍
吟閣詩煌煌俎豆居青天插孤標登飛

昂左翼宮廟增而高斯文肇宏規磊落資賢豪法宮明堂具
絳帳寄宮僚載見絃歌宰割鷄用犧庖二美真同心鳩工不

崇朝壯麗材難構崔巍勢扶搖負簣必固基升階可侵霄櫺
檻御長風入袞帙紛囂極日暎滄海一氣混雲濤飄飄舞衣

裾萬古輕鴻毛日月轉雙輪江山不沉消象教扶兩間聲聞
達於郊華鐘發鯨魚音連浙江潮鏗然警聾聵清夜何寂寥

宣尼去千載說鈴自護護吾聞龍變化靈物匪可招莫視晦
顯姿誰辨雌雄號法因金石宣道以神理超龍吟揚微義如

聽空中韶邑里儒林舊此日瞻麗譙野夫逢勝槩白首得遊
遨載筆多蕪言感興亦長謠馮敏効龍吟高閣詩百尺層臺

映九峯臺端有閣夜鳴鐘空中隱隱風雷應海外悠悠雲靄
從影動芹池看變化氣連銀漢欲飛衝幾年湖上餘荒址猶

聽遺音 起蟄龍 萬歷九年廟災延及兩廡戟門知縣劉士瑗區畫鼎

新之 按士瑗有記立石戟門記不詳修學始末專尊王學不
錄 又按朱志云時太學陳增首倡營建舊志失載考

徐文貞陳增墓表云萬歷己卯平湖學宮遭火君首倡義舉
捐資鳩工計百日殿宇廊廡皆巍然新創事竣凡邑中士大

夫所捐助者函封不啓踵門謝曰是役也勤勞堂構願歸邑
父母學師某則不敢與也而賞財工力則某已獨輸無煩襄

舉據此當是陳 十六年秋龍見東湖大風作兩廡啓聖祠儀
增捐資獨建云

門敬一亭龍吟閣俱壞知縣江環修兩廡二十年教諭吳昶

甫修塞門朱欄知縣黃焰修敬一亭儀門啓聖祠及兩廡所

未完者併重建龍吟閣 知縣羅尙忠龍吟閣碑記畧嘉靖癸
亥間法先生瞻議建閣於學宮巽隅

顧侯廷對成之凌空七十尺榜曰龍吟鄉先生趙公伊歌颺
其事歷二紀以颺風圮萬歷壬辰復建蓋翔議者吳先生迪

甫黃侯焰成之當湖彈丸地而橋李山川畢臻於茲屹有九
峯大海環其外東湖滙其內泮宮倚湖而起茲閣適峙巽隅

蓋形家言曰漢水西來東南靡砥巽隅蠹峙文明厥昌予曰
 解在易後天之圖齊乎巽齊也者潔齊也出震而見離惟巽
 交屬故為木為風為長為高閣也者木而迎風長而逾高文
 明厥昌宜其然乎按記中明言颶風圮萬歷壬辰復建而
 前志于是年皆失載府吳志因碑立于乙卯遂誤以為四十
 三年尙忠重建廟學志首沿其謬張志復據以纂入考記係
 補作故皆為追敘之詞中一段全述教諭張蔚然之文末云
 廸甫建後歷二紀而蔚然為之記茲為核訂蓋修志又當以
 金石文字為憑未
 可率抄前志也
 沈懋孝重修儒學碑記我邑治在海瑞桑田出日文教敷於
 光天之下先聖宮墻聳立東湖汎上湖平若鏡淳泓涵納分
 得大海之靈故盛德常在東方其西則天目之水遠源迢迢
 將五百里乃始滙於湖其東則浦潏三江諸水挾東海潮汐
 逆湍西上又將三百里也日夜滙於湖湖畔九川海上九山
 拱抱映發增宮墻之秀色焉自來邑中淳氣融風物華天產
 常有譽於當世乃者隆萬間吾閩典天官者言五緯貫璣聚
 於東望府數年來海潮漸至宮墻下園橋碧水有瀾三尺時
 時有甘泉印吐上占星下應潮聿惟此時思皇多士宜有碩
 人鉅儒出我校學間蔚為天下重舊日相傳緯牒有書大物

可俟而至焉以天之運地之靈當此時也必有應會作新之
 者歲辛丑我邑侯晉陵王君始下車首先教化重士勸學肅
 紀敦倫使士無不盡之情亦亡敢有軼踰之行士以此蒸蒸
 風起又得博士溫陵林君者執度董業正色精論士有嚴心
 愈矜奮於名節甫及兩期風移習正捷于桴答所謂相成共
 事式儀振興之者厥功鉅矣以其間葺舊撤新宮墻為之改
 觀人瞻其坊表如是况所化導之者當何如也于是博士弟
 子攝衽詣余請記不佞拱而稱曰昔者端木氏云夫子之墻
 數仞宗廟百官之富美在焉夫子亦曰由升堂矣未入吾室
 此皆以道德門風指示學者乃諸髦士遂見以為墻乎門乎
 堂與室乎諸髦士且不見兩廡下古來名臣哲輔得與其間
 者幾何人嗚呼升堂入室可易言哉故葺新而修之者迹也
 躬踐而修之者實也昔者夫子拳拳吾黨甚畏後生不佞即
 耄也願與諸君共勉之是役也自正殿東西廡及啓聖宮一
 一拓而新之舊無宰牲所今立于堂之西衙宇湫甚今拓其
 前為軒三楹士始有講業之次工堅事敏民不知勞宜記始
 末以告
 後之人
 三十九年知縣朱欽相重葺是年教諭張蔚然種栢
 樹六十八株蔚然種栢碑記世傳孔林樹檜樹栢宣聖與端
 木氏手植繫存即如姑蘇學舍希文所植今猶
 建置上

實之彼豈槎枿之為耽玩而漫無旨趣也者湖曩有軒曰鳳
翥憾無練實可採余栽竹數竿即擬稚子十枚森成小林向
鱸庭惟鞠茂草鮮灌木余為手植六十八株自殿廡堂宇迄
門內外鬱鬱鱗次其質非松非栢亦松亦栢禹貢栢榦栢
孔傳云栢葉松身曰栢豈即此耶又爾雅云栢松葉栢身檜
栢葉松身然則檜與栢並非二種余未知孔林物作何象然
俗已呼今所植為檜蓋子嘗稱松栢後凋記曰如竹箭之有
筠松栢之有心故既栽之以竹而復植以此馬廓翁致牘曰
足下植桃李更樹松栢儻亦以節訓耶余謝不敏自余手植
蒔之若子早澇灌洩罔遺餘力而乃使津津有生色特紀歲
月以告後之君四十二年署知縣沈鳴韶易廟外朱闌以石
子善為珍護者

廟學志天啓四年知縣顧國寶重修

施鳳來重修縣學記畧
東海有元珠光怪萬狀

乘潮逆湍而西滙於邑治之東湖學宮即鼎峙其上每朝職
初起空濛開霽九山九水映帶在目去文廟數武時有醴泉
印土天龍悅而憩其中夜騰赤芒驚訝遠邇乃建龍吟閣以
鎮之自是淳風濃氣物華天產人文甲於當世歲辛酉兵憲
趙公祖觀風於茲以湖庠獨缺尊經閣謀所以翔建者苦不
得大木以勝其任邀先師之靈海若效順忽漂來合抱三十

餘枝清漳陳三尹獲焉於是縉紳冠蓋鄭重之業累石拓基
未幾趙公擢去工遂寢一夕風雨大作轟雷發於重垣有物
怒飛而去透文廟西角梁木委地如天崩地裂聲以及兩廡
齋宇僅留數椽矣壬戌珠巖顧公令我湖博士孫劉韓三先
生前後踵至一時師帥卓有坊表始同心為重修學宮計令
君毅然自任曰此我有司事不敢費公帑不敢煩士資不敢
擾民力惟先生其共圖之三先生曰唯唯齋戒率僚屬諸生
等陳牲告廟破土鳩工始癸亥十二月至甲子七月工竣自
啓聖祠及文廟兩廡明倫堂東西齋房赫奕一新計前後工
費一百六十兩皆令君所捐俸錢也其日告於先師之靈星
河爛燦仍有物焉赤帶翠翎鏤髯豐輔章綵藻絢聲摩雲氣
中似盤旋而欲下環橋門者爭摩肩熟視始識其為龍也然
則今之濁而吟者母乃即向之怒而飛者耶來京師
者道甚悉史氏施子聞之謹拜手誦言而為之記
教諭孫
啓文修鄉賢祠
啓文碑記鄉賢曷為乎而祠也鄉有賢則祠
之也首以宋魯文謚公者何明自始也崇祀
者凡五十餘人俎豆光也曷為而不詳其姓氏封爵載在木
主不具述也廟貌久蒙拜稽無地首捐金倡義者誰工部郎
中徐楚石也誰佐襄之則諸賢之子若孫共妥先靈於無斃
也告竣者何年天啓登極後之甲子歲也撰記則晚學九江

孫啓文也會啓文以丁艱行刻石未竟移書於後啓文而至者董厥成焉則茗水之拙修楊公虎林之心水胡公也例得備書 崇禎元年知縣程楷重修施鳳來重修儒學碑記曷我湖

崑玉采秀蔚起而離宮肅廟綢繆未迨神佩無光於是邑侯程公眷言式教倡念聿新遂慨然區處經費聽學博楊公畫茨宇規垣墻刻日未終經工旋畢氣佳哉鬱鬱葱蔥炳然以文估焉以實使仰止景行者觀乎澤宮廟貌之容而愜如有

慕焉時崇禎元年歲在戊辰之十月朔也於時鳩工程材六輯志蒐乘則太學生錢德生文學馬德澍俞允昌分任之 年教諭方允昌作泮池施鳳來泮池記畧我湖人文代盛

缺浣上方先生至周覽內外謀之邑長賴侯寅寮任博縫掖知事者擇地於廟門之南與東湖九水相映如月弓狀環而甃之以石石上有闌池中植蓮芙蓉可數自池溶後元魁接軫後先擢巍甲者皆蜚英而茂騰先生有德於當湖甚大

工費省而懋蔭深 先生自此遠矣 夏六月颶風作廟廡圯七年知縣賴垓留羨金千兩建修時舉人馮洪業復捐資八百兩監生從程志改正

劉亮采捐資一千兩主事孫裔蕃監生陸自涵理其事歷兩

知縣黃士藻吳春枝始竣施鳳來重建文廟記自析鹽官北

九峯環以九水形家言源起天目翔舞至東湖龍氣東而風氣聚融結文明洵哉然非人傑曷云地靈我邑先達背項嶙

立冠履蟬聯品業猷望堪指屈也即語人文獨甲他邑溯厥原本瞻依聖澤則仍牆之涵濡經訓之被服世濟則雲仍馥

郁孤起則寒峻嶒岫先聖之教百世猶興疇忘所自矣先是萬歷辛巳廟弗敢火新之規制加擴象貌增雄故文風日益

昌熾歲癸酉秋海颶猛作殿廡震傾賴邑侯括庫稅餘俸餘共千金具申三臺經始三臺暨諸藩臬使亦各有捐助嗣以楊郡司馬協心措捐而市料營作計日起余與馬光祿創興學簿自捐勸捐領於諸紳孝廉文學亦各激奮義舉互誥勉而金錢集約二千餘緡鉅工駢作斧構雲興十閱月殿庭宏敞掩映霄漢則崑如負如雨廡檣星增麗物采則整如翼如

繫誰庀材鳩工董事稱精用襄厥成則孫膳部與柴學博任錢諸君功居多焉今黃邑侯繼署篆李侯厚自捐俸興學視成皆大有勞勩始於甲戌某日竣於乙亥某月日地方官司諸大夫襄舉捐資及縉紳孝廉文學輸財効力鉅細殊助

塵滴皆勞例
得登書石左
朱志

國朝順治七年颶風作龍吟閣圯十四年知縣朱之翰金鍛相

繼修之康熙十七年從廟學志核正邑紳士共建啓聖宮築圍墻御

史陸光旭捐資五百兩獨修大成殿二十二年教諭趙嘉暹

勸輸未成卒官二十三年巡撫趙士麟檄令知縣陳時夏次

第監修教諭姚淳熙重修文廟記學宮之設所以光俎豆聚

謝同寅紀事不復贅述獨是文廟與啓聖祠之建修未詳所

自敢綴一言以誌不朽康熙十六年邑紳士憫廟貌之摧頽

痛堂基之茂草謀所以輸助而鼎新之第盈廷則論議各出

先後迄無定局前侍御鶴田陸先生輒毅然曰宣聖哲配尚

在榛莽間何暇遽及函丈先文廟而後講堂則理既順而序

亦不紊於是獨捐已橐庀料鳩工始事於戊午之王正落成

於己未之春仲經營匝歲約廢四五百金不假他人銖黍也

更可異者園中向蓄巨鹿先告廟之一日侍御以酒酌之曰

吾將以爾致福先師而此鹿隨於是晚自斃豈非精誠所感

可格明神耶至若衆紳衿所釀鏹帛亦有數百餘緡主收者

陸藩伯筠修先生主發者陸子沛時協理贊畫者沈子平萬

陸子夏卿沈子涵中張子漢中孫子虞一張子望之沈子仲

飛陸子闇仲沈子客子陸子平仲馮子繩茂陸子幽侯等共

建啓聖祠而以餘力繕東北兩向磚垣百餘丈彬彬乎茲學

藉以生色向非鶴田先生捐資首倡則大成一殿告竣無日

又安能美輪奐塗丹雘而慶講堂之整翼哉抑余尤有冀焉

當湖自明宣德五年始設學今規模畢具而尊經之閣猶縣

黨得如鶴田先生者為之領袖則九仞一簣行將峙傑構而

插中天不更為平邑光哉爰為之記訓導謝師昌修學紀事

平海縣志 卷二

三

平海縣志

卷二

建置上

三

絕侵冒願子與大夫士同之余曰敬受教於時總攬大綱者
話山雅坪兩先生也庀材鳩工者耆士陸雲亨也出入校理
者監生張原格秦又容諸生陸若霖趙宗鄒也省工司櫃者
貢生沈季友陸邦燮監生陸士煒張蔡孫從謹沈璜孫夔金
洪裕諸生沈唼陸光緝陸奇勳過陞馬宸楓胡慶豫趙元鼎
顧涵馮久徵聞人達顧秉煜張持衡胡紹泉劉棕也先是明
倫堂圯西鄰居民視爲出入徑徑外惟豐草矣首建堂高廣
與舊址埒而築基堅固簷阿翔翥過之次葺大成殿圯人梯
殿失足墮地十餘丈若有神掖之竟無重創次葺戟門次建
櫺星門及儀門門久圯憶余始至祀門時從瓦礫中跪起也
次構龍吟閣閣當學之巽隅爲文筆峯順治初年毀於颶遺
址幾廢築址下壘木石無算爲費甚奢三層高七丈有奇旣
成陳侯額其上曰凌雲閣侍御陸鶴田先生奉文昌像供焉
余謂茲閣傑出雉堞間遠山近湖攬在襟帶當湖一勝槩也
恐爲無知者蹂躪戶常扃人罕得登者閣傍有隙地皆學基
使得築小屋數楹募人司鑰而懸鐘其上清夜叩擊九龍並
吟豈不聲徹霄漢哉今姑有待次構敬一亭次修宮門又次
內外墻垣百堵皆作學東北有墻而西偏獨無考之古碣西
有小路因勢家居焉路漸堙及學墻圯鄰人從墻隙往來明
倫堂日久爲便道以故前此議築而中阻者屢矣吳興子雍

姚君始來學毅然曰宮墻與居民雜處城壞壓境咎將誰歸
余然之合請於陳侯侯親執步尺按輿圖勘故址良實遂驗
還舊所侵地而墻西之路劃然與東北等此百餘年未判之
案也工起乙丑二月閱丙寅六月落成恭遇

御書萬
九重灑

世師表額至焚香懸殿中金書玉璽燦爛延陸觀者咸歎曰
深陽朱侯尤銳意文教甫擇菜登斯堂而樂之集多士其中
論文考業無虛日凡所以圖學宮之未舉與舉而未竟者籌
畫甚至然則當湖之學校與其人材將日新月盛而未可量
也陸棻重建明倫堂記天下之事成壞廢興天人分居其半
然而諉之於天不若任之於人也吾邑明倫堂之圯幾二十
年而今始落成前此議興建者數數矣或謀之而未能舉舉
矣而或中輟豈任者無人歟抑有天焉必遲之又久迨今日
而克底於成歟夫率作以興事不爲之倡則孰振其綱龜勉
以遂事不爲之承則孰終其畝誠哉人與天合而成功可睹
也甲子秋河陽趙中丞撫浙以鄒魯之道自任講學明倫
孜孜不怠勤求利病虛懷博詢於是吾邑人士援長興計畝均
輸之法舍良田而惟紳衿是輸合詞以請報可邑侯富平陳
公始任其事按畝而籍之覈實而徵之獎公勸先激頑董鄙
於是泉貨以集采博以時博士四明謝君躬督其事鉅細之

三月系志
建置上

委必當簡核之法必嚴歸安姚君繼至去淫祠清舊址力董其不逮焉洎陳公遷秩以去上谷朱公踵而任之崇尚儒術以人倫教化為己任特捐清俸課其所未竣增其所未華先後同心以合羣力是役也司其事者二十有五人皆精勤共恪奔走勝任堂之成也鬼敞宏碩功倍於往又以餘資繕大成之丹堊築敬一之軒墀戟門櫺星煥焉改觀龍吟之閣傑峙乎巽隅宮門齋廡次第畢舉夫前此僅建一堂而不就今則百廢備興而費以不繁何先難而後易歟豈非賢中丞倡之於上兩邑侯學博先後相承於下殫力而奏效歟則誠任得其人而壞無不成廢無不興歟向使委之於天逡巡玩忽聽其或舉或止安望成功若斯之速歟由茲以往登堂肄業率循彛倫躬行實踐共勛於聖人之徒豈非吾邑之人大幸歟余請假在籍樂觀厥成爰紀歲月以告後之人焉爾陳時夏龍吟閣成詩雲龍本同氣相應不相分雲色如生閣龍身定入雲綺疏脚海日瑤璧挂星文從此園橋聽都應倬漢聞秦又容修學詩攜我襍與琴棲遲堂左掖自春以徂冬晨昏侶匠石籌燈風雨紅下榻苔痕碧所喜得同心連牀永朝夕中夜共經營詰朝課繩尺計畫幸無遺欣然慰疇昔春日復云暮綠陰冉冉生載植庭前檜行列得其正堂陞日以肅庭樹日以榮鬱葱有佳氣蒼翠莫與京相彼虬龍姿干霄勢

己高志三十八年知縣王瑋修學宮詹事高士奇修坊門五

十七年邑人胡紹泉等建韓文公祠五十九年知縣林緒光

捐俸首倡邑人胡瞻等重濬泮池圍以石闌雍正六年攝知

縣白環署知縣方以恭先後監修舉人徐上法捐金首倡檢

討陸奎勳等董葺三載告竣陸奎勳重修文廟碑記邑廟學

具詳邑乘康熙乙丑重建明倫堂兼修大成殿先叔閣學義

山公紀其事邇來風雨震凌日就傾圯有志者蒿日久矣孝

廉嚴子方回徐子乾若就商於余竊謂興修廟學雖藉賢有

司之力而紳士與有責焉夫人經營屋室務極華美至於聖

人宮墻視其朽壞若唐肆之不足介懷獨何心哉且緇衣黃

冠且能壯棟宇以崇其教豈有儒家者流而可忘所自出乎

於是嚴子力任勸輸而徐子先為之倡士林好義輕財者雲

集響應文學胡子原仲輩願董其役設冊以稽數選匠以任

工首修大成殿楹桷朽腐者易之瓦甍損敝者增之施朱加

漆輸與翬飛次東西兩廡儀門櫺星門遂遵新令增飾崇聖

建置上

祠名宦鄉賢兩祠兼葺敬一亭泮池宮墻龍吟閣以及四周垣墉啓建栢林書屋東西廟學碑記兩亭是役也費不出於田賦工不假於里胥約計白金一千九百三十兩經始於己酉三月落成於庚戌九月學博葉君柘村余君梅莊率諸生行釋菜禮遠邇聚觀以為規模宏敞甲於他邑云余惟古來記廟學者或贊聖道之大或勉諸生以學未越於斯二者也昔泰山孫明復作贛縣廟記謂夫聖道被於萬世不假腐筆儒辭以為稱述而歐曾朱張諸學記其言明體達用崇正黜邪所以敷宣教學者無遺蘊矣何敢雷同而勸諭焉惟是生際昌期

聖天子

本

法孔子之道以宏堯舜之治而當路諸公莫不仰承德意崇聖興學獎勸生徒以佐雲漢昭回之治化我湖人士歡欣鼓舞各輸材而殫力固分義所當然也況湖邑山水鍾靈名公鉅卿後先輝映而我族侍御稼書先生接程未之道脈本朝從祀兩廡者實惟先生一人吾黨聞風興起上之希聖希賢次亦勉為醇儒善士出則致主而澤民處則垂訓而範俗豈徒矜博洽炫詞章以釣名而干祿乎哉抑聞朱子之易說矣君子善治蠱者將壞則當謀新後事方新更當致其丁寧之意使不至於速壞追數乙丑修學時未及四紀而殿廡傾圮宮牆壞缺雖復興之難幸睹成功洵經歲月能保成者之

不復毀乎因詳記之勒諸石俾來者得考稽焉至勸輸董役與有勞者及捐銀姓氏具見俞子泰階廟學志中不復書按是時教諭趙瀚葉部訓導余汝鼐相繼鼓舞勸邑人陸奎勳金南鎮陸鼎揆袁勳高衡屈天成嚴崇禮胡紹泉胡紹寧張建寅陸世琮俞錫齡沈方蕙徐稼沈堦胡紹濟何圳煒徐維垣胡瞻陸王孫沈欽緒胡世枚周治隆劉宸胡世柱胡世權鮑旭麟姚廣泰張師仲胡世乾隆八年知縣高國楹修泮池楷俞堃等協謀經理附錄 石岸及萬仞宮墻 按癸亥春雨雪浹旬宮墻及石岸皆諸生馮堯則張光監生陸永漢倡謀修理紳士陸銘一陸銘三胡鈞馮千雲劉起龍徐稼馮鈞曹曾賀徐維箕孫枝英沈鴻磐馮溥胡涵徐維城胡世棠等勸輸孟冬興作甲子新纂二十四年知縣李納璧議修候選同知屈天仲秋告成

成倡捐二十五年知縣劉純煒蒞任告竣 按是年屈天成所

戟門名宦鄉賢祠及櫺星門外石闌其外崇聖祠明倫堂兩齋兩署禮門聖門文公祠敬一亭儒學泮池宮墻龍吟閣則屈維銘吳元鎮徐棟張天祿何廷鏞胡世權張慎思沈文濂沈鴻磐吳元鉅等糾資董修因無碑記從張志補錄

十四年知縣周昭仔監修刑部員外郎屈樹榮捐資修葺並

重建戟門

教諭周大樞重修文廟記平湖學宮自順治以來

凡四經修葺類出紳士之捐助而候選同知屈君
天成之力尤多自其考宏堅已捐助於初而君於再葺三葺
時所助金錢益博又念邑向無歲修之產乃特割田二十餘
畝專隸學以為修治計學益便之乾隆二十有四年大成殿
梁木告壞其門廡祠宇率多內蠹不支邑宰徧延諸紳士謀
整理君遽前曰此固吾輩事也請曰大殿而下獨任其所當
修與當建者遂指計其地重而費者數處任之則已盡學
宮之七八矣余於辛巳蒞茲邑始至敬謁聖廟仰見正殿巍
如煥如兩廡翼之繩直矢棘旁連經籍祭器之庫以及名宦
鄉賢孝友之祠莫不施若初飾問之吏人則皆君所任修而
次第告厥成功者也余悚然嘆息以為昔固有捨宅為學宮
者誰謂今人不及昔乎吏因為言君樂善好義其敬教勸學
之心尤肫且篤即他邑有以助修學事請者無不立應於本
邑既已任之則朝夕籌度之時年已七十餘矣每從一僕至
工所擇材命匠必完且善晷不言疲其心誠有樂乎此也詎
意數年中戟門未建而景不融聞君疾革時呼次嗣員外
樹榮曰學宮戟門以未得大木遂遲日月汝可急為吾就之

冬員外奉遺命遂既厥役不數日而朱門有闕與昔所
櫺星三門及左右兩坊門煥然交峙則又於殿廡門柱重丹
堊而藻績之練日告成曦温雪霽匾額輝煌與堂上龍幄
櫺諸器物相映燭亦君近所新製也堦除之下雲橫砥平而
余得偕同官稽拜如禮以樂觀其盛因憶昔陸沈二公當學
宮落成時邑長舉酒祝之曰願二君世世簪纓弗絕已而果
然至今以為美談余敬君父子相繼重葺功等朔四十六年
造亦欲以是為稱願焉且以勸邑之富而好禮者

知縣嵩福監修兵部侍郎沈初等捐資葺

沈初重修學宮碑記平湖之有先

朝

廟自明宣德間析鹽官之北壤為邑始我

而後迄今已二十載辛丑夏撼以颶風丹聖剝蝕且圯墜
壬寅秋吳太史墩袁孝廉淳謀所以復新之來語初初請
諸能者而願以末議參屈水部世楣徐別駕維祺等首先
率於是儒紳踴躍輸金庀材鳩匠不日雲集費省於前制
於後昔之栴栴以彩繪今則丹漆矣昔之戟門以甌甑今
文石矣其餘露井之荒畝墀所之缺碎莫不更新廟之外
聖祠明倫堂孝友祠龍吟閣經義治事兩齋塗之暨之次
興作鄉賢名宦兩祠則繚以石欄規畫盡善經始於壬寅

十七日歲工於癸卯十月二十日計費白金二千九百
有奇以簿稽核較前人所費僅十之三而土木陶石之工
堅緻可以知任事者之殫辛而萃勤也維時始終經理有
陸秀才子鐘袁上舍勃沈上舍國樞等三十一人向使此諸
君子或靳於費或憚其勞而不同心協力以贊斯舉其曷以
觀厥成方今

聖天子

子右文興學詔規辟雍之制以崇典禮平湖雖僻在海隅沐
浴大化涵泳聖涯
本朝從祀兩廡有陸清獻公承前啓後代不乏人觀斯舉者能
無厚望將來也歟爰撫其本末以書於石而諸君子之姓氏
則具列於碑陰以垂永久至於兩廡新葺則張上舍誥所獨
任別有記按是年倡捐五人沈初吳墩徐維祺屈世楨徐
如珍始終董修十人毛子鐘馮錫貴沈國樞陸紹聞沈鴻遠
袁淳袁渤何永溱吳燮王念曾協理二十一入屈瀚張楹
屈宗到屈為鼎何謙沈朝炳陸嘉鑄吳琰黃錫陸源灝黃鳳
陸升泰及志鳳馮士模馮庚徐志恒沈樹績胡彥超馮淑孫
勳朱志監生張誥兄弟捐資一千一百兩重建兩廡沈初重
誠附錄乾隆壬寅歲初與同里諸君子倡議修葺文廟張
兩廡碑記乾隆壬寅歲初與同里諸君子倡議修葺文廟張
上舍誥昆季獨任修兩廡既將事見舊制庫與正殿七冊且

細削胡可以久乃改作配殿東西各三楹崇二丈四尺
奇址亦加累五寸餘構材鳩工咸極鄭重一切制度整飭
從新足以煥觀瞻而與殿宇規模胥協矣其旁四楹皆易木
柵為長窻輒石之瑣碎者去之赤白之漫漶者鮮之翼然拱
了左右既與且崇神其孔安也已不加邃域於地也不增高
藏器齋宿諸所別於先賢先儒神之所宅也是舉也其深有
合於禮意也夫上舍親弟孝廉誠諸生論廟制中為大成殿
從弟誠同建襄理者其族兄上舍錫嘏也

三間東廡配殿三間北經籍庫一間南齋宿房一間洗罇所
一間西廡配殿三間北祭器樂器庫一間南齋宿房一間廩
給房一間殿前石臺一座下為石陛正南戟門五門櫺星門

三座石柱左右石坊兩座東曰瞻之西曰仰止石闌一帶東

下馬碑越大街為泮池石闌及萬仞宮牆一座櫺星門內

名宦祠三間西鄉賢祠三間戟門內東為聖人之門殿西

北崇聖祠三間前為明倫堂三間東經義齋三間西治事

三間兩齋南北各號舍二間共四間前為儀門三間門外東為

謁聖門一座康熙四十五年教諭方元亮移至敬一亭前即其地改為教諭署大門雍正八年修學更正

韓文公祠三間敬一亭一間門內西為忠義孝友祠三間詳祠

祀儀門外甬道折而東為儒學門三間其上為奎星樓門外

八字墻兩堦外為河埠一座明倫堂東為教諭署西為訓導

署並詳公署學門內東為栢林書屋三間詳後西為市房七間按萬

十年知縣黃焯于奎星樓西造賃房三間為儒學公出之費賃房自此始周圍圍墻一百一十丈

有奇東為龍吟閣三層

按學校規制周詳惟尊經閣未建斯為缺典考程志萬歷

間教諭張蔚然與知縣朱欽相羅尙忠議移啓聖祠于啓

元樓即教諭內衙後之曠圃以其址建閣蔚然積空缺俸廩糧



資百金移縣以備工費會兩知縣先後以艱歸蔚然亦計

偕北上遂寢廟學志亦載天啓間知縣陳熙昌復議建不

果雍正間修學紳士議扞基于治事齋西忠義孝友祠東

隙地今為訓導菜圃以待大力者續成此舉用附識之

學宮圖一



祭器程志宣德四年始置文廟祭器數百餘件俱用處州青

瓷雍正初尚萬歷九年燬於火二十二年知縣黃焯教諭吳

錫德續置多更以木朱志

國朝康熙二十六年教諭姚淳熙訓導謝師昌修補續置仍以

木高志雍正十年督學李清植飭添換籩豆簠簋等物咸以

錫乾隆二年知縣王之琪教諭嚴瑞隆又增置木器張志乾

隆八年候選同知屈天成捐增銅器新纂五十一年知縣王

恒修補重置錫器知縣王恒重修祭器記郡縣之有賢官賢

誠敬余於乙巳歲來蒞當湖釋菜之時見籩豆銅登爵卣布

為編校一新以春秋二祀孝廉張誠諸生陸子鑑請于余

曰此某等爭當為製備以供時費於是紳士徐維祺屈世楨

等共樂輸將不數旬而窳者完之畧者補之凡堂上堂下階

階西階應列之器莫不咸備自是而納牲詔于庭血毛詔于

室美定詔于堂洞洞屬屬克昭敬慎嘻此皆張孝廉等竭誠

于中恪事於外具見釋回增美之德能上達於先聖先賢所

謂敦善行而不怠者非耶余承乏是邦潔有志茲得諸君

之助實獲我心宜敘數言以誌於石其祭器名數泊捐資姓

氏並勒舊存祭器銅獻爵四隻銅坐爵十四隻銅香爐一箇

于左鐵大燭筴四對木大牲盤八面木小牲盤十四面新置祭器

祝版二座木帛籙九箇木牲俎一架祭桌十二張花銅爵三十六隻素銅爵一百五十四隻錫簠十六箇錫簋

十六箇錫籩八十四箇錫豆八十四箇錫鉶二十四箇錫登一箇錫雲雷罇一箇錫酒罇六箇錫花瓶一對錫大燭筴一對錫中燭筴六對錫中香爐六箇錫小燭筴十二對錫小香

樂器嘉興府吳志叅高志湖庠舊無樂器每丁祭則集樂工將事康熙五十七年巡撫朱軾飭置諸生俞錫齡陸世琮吳

三
卷二
三
鵬九金大淳請于知府吳永芳始捐置鵬九仿工製脩世琮

為之教演雍正十年督學李清植復飭增置陸世琮樂器

學三百餘年禮既苟簡樂亦闕如余自癸未迄今兩丁駿奔

歷有年所丁酉春今大學士山右朱公鎮撫兩浙下令各庠

修整樂器遴選伶舞余購得前張大中丞禮樂考一書其間

繪圖燦然歌章具在乃按圖置備循聲教演得八十六人充

當其事由是我邑人士可因禮而觀樂即可因樂而行禮自

堂上以至堂下由初獻以及終獻稍知聲容節奏私幸向者

隕越之罪可以免矣曾不數年廟學頽圯司閤不謹毀損過

半歲庚戌孝廉乾若徐君倡修文廟余得從諸君子後克勦

其事乃為建庫以收藏樂器并將殘缺者補之今張志乾隆

而後庶可垂永久乎敢贅一言以質諸秉鐸先生

二十六年訓導李芑修補今所存樂器

石磬十六塊併架槌大楹鼓一面併架衣鬚搏拊二面併架

祝一座併槌鼓一座併竹箏琴四張併桌四隻瑟二張併架

二條掛簫二管排笙四隻簫四管笛四管塤二箇

篋二管節二枚併架羽二十四副籥二十四副

按文廟祀典載祭器樂器雍正二年乾隆二年皆頒有定

式所謂事關

國典海內所共有者本無俟贅述但製造維艱恐後人不知謹

守易致失傳存之使有所考

經籍程志書籍向貯西廡北第一間教諭法暄始置知縣丁

應賓李實增之萬歷十六年大風廡圯書多亡失知縣劉士

瑗尚書陸光祖復置今所存五經簡端尚有光祖題語四十

年教諭張蔚然捐俸增置教諭張蔚然鷓鴣翼藏書記考亭夫子主同安簿攝學事檢學敗筭得

書百九十一卷又募故所逸者三十六卷復請于連帥得九

百八十五卷共貯而為之記予嘗歎宇宙間之寶必散易而

聚難至寶惟書故不易聚蓋自馬河畫卦麟野刪經以還凡

歷幾厄為秦為莽為卓為繹為煬為安史為巢為靖康之變

五
明
系
志
卷
二
建
置
上

匪焚即濡何多故與每意貯籍之富必在石渠東觀然隋嘉則殿僅至三十七萬竟冠今古唐四庫宋三館俱莫及也私家之藏葉石林十萬卷遂雄宋代其難如此子性無他嗜獨嗜書劍自弱冠見異書暨寶刀不惜傾橐以購既逾壯則一意嗜書家無負郭惟藉筆耕二十年修脯所入悉以購書元美二西山房記稱脫珥解衣諸狀尚未足摹予者故以一貧士積書近七萬卷此亦千秋奇事又嘗論國家藏書之府應有四曰秘省曰詞林曰辟雍曰校舍乃窺瀛洲之署閱無片楮文淵所儲曾見其目亦無甚秘簡兩雍故多鏤籍率世所習觀辛亥視學鷗湖憶考亭故事其當日白諸連帥者有曰學有師生誦說而經籍弗具學者安所業其間予竊感焉蒐學舊藏得六百餘卷又殘編二百卷俱從塵封蠹蝕中拭而緝之復自益以註疏語錄講義憲條三百五十卷合之千卷特置庫室謹鐫篋以貯焉或曰是寥寥者藏書耶予曰噫散易而聚難且九仞之山托基一簣萬卷之積不自寸函始耶舊藏尚書有弁語云家藏五經共二十六冊奉儒學與諸士共之萬歷甲戌邑人陸光祖識予因嘆先輩舉動宛爾考亭遺法而考亭之檢敗筭也必按其始藏者為林尹瀆予故備述古今聚散之由公私蓄貯之概以俟後有感而繼益者是為藏書記

宋志

國朝康熙二十二年教諭趙嘉暹訓導謝師昌續置經書七種

高志雍正八年生員俞錫齡捐置經史一十五種近俱散失

無存矣新纂今所藏

欽頒經籍謹貯東廡

御纂周易折衷書經傳說詩經傳說春秋傳說性理精義朱子全書

各六部明史一部學政全書二部文武相見儀注祭器圖考義物撮要各一本

聖諭廣訓合律講義四部

上諭二部

上諭律例四部

欽定三禮義疏詩義折衷春秋直解孝經衍義各一部通鑑綱目二部資治通鑑綱目四本四書文集一部鄉會墨選二部續增學政全書二部

上諭膳黃一道清漢

上諭一十四本四庫全書聚珍初集二集各一部

御製盛京賦一本樂善堂文集二集詩文三集各一部

按前人捐置書籍典守者不知護惜雍正間已殘缺不全
然尚存廢書一百六十本今則無一存者廟學志云張孝
先先生發朱子諸書存學悉為教諭方元亮取去良可慨
已學中貯

欽頒書籍雖海內所同今仍張志載之亦示後有所考云

學額學政全書參張志明制廩膳生二十名歲給廩糧膳之
詳食增廣生二十名附學生無定額多至九十六名少則十

餘名

程志天啓間以殿工
令俊秀得捐納入學

國朝康熙元年始額定歲科兩試各十五名十五年減為四名
時以軍需准捐納入學除正額四名外有至一百十二名者

二十年復十五名舊額二十二年停止捐納入學二十九年
增額為二十名雍正元年歲試廣額七名五年升為大學增
額至二十五名乾隆元年歲科兩試並廣額七名嗣後比奉
恩詔俱廣額五名廩膳生二年一貢遇

恩詔增恩貢一名選拔貢生舊以十二年雍正間以六年乾隆六

年後仍改為十二年武生每歲試十五名

學田程志嘉靖三十八年知縣陳一謙始買生員張洽田五

百畝置立義田武惠伯陸炳助田一百六十七畝二分四十

年知縣顧廷對以學田贏餘無幾查出耗田抵補學田糧稅

知縣顧廷對重定學田規制序平湖縣儒學舊未有義田也
嘉靖己未歲西粵文峯陳公始置之將以資助貧生計田五

百畝每畝取租九斗共該租四百五十石每年徵貯本學倉
 設運頭一名專掌收放又慮糧餉之重或無實惠查將蔣
 等無糧田二頃餘畝禱補其半規畫初定而陳公遇制回籍
 各佃戶仍逋負不納雖有禱補之名而徵輸之費猶故也庚
 申冬季不佞蒞治茲土廉悉其由深羨文峯之善政而惜其
 志未竟迨辛酉春例當大造民間隱田漸就清覈共得若干
 畝併合前田照數補之盡復其稅緣版籍有定未可指名收
 除止於實徵冊總爲之盈縮其數且事體歸一而徵亦渾融
 易辦也由是文峯之初志似截然有成矣本年八月內民人
 陸廷鑾者亦以義田呈報蓋陸武惠公常欲捐已業以爲本
 學及本族生員貧寒者之助厥嗣錦衣公體先德而成之武
 惠之仁錦衣之孝具見之矣田一百六十七畝二分共租一
 百二十石亦查得隱田有餘者盡數禱補使諸生獲沾武惠
 之實惠猶支峯也嗚呼二公嘉惠學校之意亦隆矣其致望
 學校之心亦大矣予不過申明二公之意云耳然致望之心
 無異二公也諸士子其勉焉求無負此意此心乎計田五百
 畝分屬十畝十甲遞年承管已經取認領附卷每甲領田五
 十畝至本縣徵收秋糧之日依期赴儒學倉交納本倉運頭
 收貯俟給每年運頭擇誠實糧長一名充當併不許混將生
 員之家僉定致生弊端湖翼政概義田向隸本學近改屬運

頭恣其侵蠹且吏胥乾沒租戶影射弊竇多端致令恤士腴
 資空飽諸奸饕腹茲一時恢復勢即未能業請于朱侯將田
 簿冊編入學紀即非盡原額亦可
 漸杜侵耗而整復舊規有日矣

新纂隆慶初張洽出銀二

百五十兩贖回田五百畝六年知縣謝良弼更置田二百二

十八畝七分 一坐二十三都姜字圩四十畝一坐華二十二

五畝一坐十七都岡字圩一十八畝二分一坐二十五都生

字圩二十三畝一坐華二十二都號字圩田一十五畝五分

一坐華二十二都號字圩二十四畝一坐二十三都崑字圩

五十三畝張大忠更置義田記平湖爲浙西望邑學宮獨占

湖山之勝而田則未置生徒日盛貧窶者或無以自給嘉靖

丙辰鬱林陳侯一謙來知縣事始佃義田五百畝以養士時
 海寇初平瘡痍之民未起規畫初具而未詳海陵顧侯廷對
 繼至首崇學校務作養人材以備選擢計歲收租若干收貯
 該學以爲常業復檢括隱漏耗田以代額稅慮其久而難稽
 也勒石以識嗣後連遭水旱田卒汗萊而歲租年責原佃田
 生員張洽贖回民逼於官通告許不已噫欲濟貧而不免遺
 累於人豈經久之惠乎迨隆慶己巳泗濱築野謝侯令茲邑

三日祇謁先師禮成周視廟宇丹青剝落慨然一新之越明年化洽膠序百廢具興惟茲義租逋負如故而篋瓢屢空藜藿不饜者相繼請乞俟轉輾圖維葺為之計訪之里中父老廉得其實更徵其原直更置腴田二百二十餘畝數雖減於前而租可當於昔官召種戶歲輸其租年僉糧解以司斂給飭蠱鼎新總理周密陳顧二公之所以翔始者非侯莫能善其終通學貧儒之所以承沾實惠者惟侯得以虔其始我侯造士作人之功始與山嶽並峙矣余方欽慕而侯欽擢之命適至通學諸生走東屬記余惟憂道不憂貧斯為君子無恒產而有恒心惟士能之學者誦法孔孟固當自興而無待於外者矧侯盡師帥之道隆教養之法以至薪水膏火之資冠婚喪祭之費罔不為諸君子慮矣諸君子沐侯之遺澤果能仰體繹思鼓動興起日趨高峻窮而其志有守達而其才有為則茲田之裨於學也不徒為貧士之助爾也諸君子其敬念之哉侯陟明在即嗣至者固將踵高誼而繼承勿替筦鑰出納者亦自當恤乃攸司而無旁落下遺之虞予又何言按諸志皆云易置田畝不著又邑人入官田一百八十七畝置自何人今考碑記補錄

九分七釐 一馮域入官田二十畝 一曹山入官田六十九畝 一分四釐七毫 一袁應壁入官田一十六畝三分

一陸舜華入官田六十七畝四分九釐三毫一李濂田一十五畝三釐 共田五百八十三畝八分七釐租米四百八十七石九斗九升八合七勺因丈量虧

田止得租米四百六十二石二斗九升有奇朱志陸武惠助

田後仍歸陸景賢祠掌守

國朝康熙四年清丈核實儒學義田四百二十一畝六分二釐

四毫 律圩五十八畝二分四釐五毫小律圩四畝四分八釐 四毫 二都東區和圩一十四畝三分六釐二毫伯圩七畝 八分三釐五毫二都西區所圩五十四畝九分六釐一毫 華二分二釐四毫二十三都運一圩一十四畝九分九釐六毫 一分二釐四毫二十三都運一圩一十四畝九分九釐六毫 摩圩三畝五分八釐八毫適圩三十五畝四分一釐六毫 圩五十四畝八分四釐二毫四都親圩四畝三分九釐三毫 懼圩一畝八分四釐稱圩六十三畝六分七毫老圩五畝 三分九釐七毫二十五都淑圩四十五畝七分七釐五毫

志縣徵租米三百四十五石二斗五升除完辦正賦及支給教諭訓導米一十二石外實存銀一百九十七兩四錢六分四釐三毫備賑貧生十五年為暫移存留可緩等事奉巡撫陳秉直行學道程汝璞將學租銀兩全裁充餉十八年全復學道劉霏定議將學租銀兩提解半銀九十八兩七錢三分二釐一毫五絲由布政司轉解學院賑給貧生膏火雍正十一年諸生沈修齡等公捐齊都清溪坊田一十四畝六分八釐二毫 林圩田六畝七分二釐六毫 恥圩田七畝九分五釐六毫 十三年候選同知屈天成捐二十四都大村坊田二十畝二分六釐三毫 南員共田 三十四畝九分四釐五毫學徵租米二十八石九斗六升八

合除辦賦外作歲修學宮之費

羅太常義田 按尚忠歷官太常寺故稱羅太常 朱志明萬歷間知縣羅尚忠

捐俸置買田二百一十七畝五分七釐五毫東地二十二畝

四分九釐四毫內羅公祠田四十畝五分給祠僧修葺以贍

香火餘田給贍貧士 施鳳來羅侯義田碑記東南之民日就

甚無恙然而民之精神餒歎不振非一日矣小民不能自訴其困而有司復不為之計利害調緩急撫其脈而密圖之歲積一歲逋逃不已誅罰隨之民窮且怨也即萬一奉赦除之條僅若一巫祝然不過救於已壞而靡文修補何能使重傷之眾霍然病已萬歷甲寅歲六月十有七日青陽羅侯來令當湖慨然以民瘼為念若視小民於涸轍中而日以霖濟為事者其清弊數除古緡未已也甚而息詞訟除姦猾猶未已也又甚而節征輸輕刑罰甚至服念要囚出俸以給其食苦公差之擾則鄉無號呼慮差航之困則官為郵傳猶未已也而義田於是創焉丙辰五月以俸買民田得一百三十九畝

有奇其在西十九都最字圩趙天初田四十畝八分二十都
周家圩馬伯遇田一十八畝四分九釐五毫二十一都伐字
圩袁家洪馬乘遠田一十二畝五釐華二十二都雨字圩韓
孔驤田三十九畝四分東十九畝亦轉字圩孫迪元田二十
八畝六分八釐四毫各於圩頭豎立石碑義田為號不幸以
內艱去一時共事者郡侯則莊公祖誨分臬則王公鍾岱咸
謂義田之設關係小民最重因是出給單給使佃戶及時耕
作依期赴運本縣西關常平倉交納收貯仍聽經收人役填
註收數印記以便稽查又將存留義租聽里遞有貧苦不給
薪水者具呈開數覈實領米止加二息以補耗折且俟嘗曰
吏固阿保也小民其未孩之赤子也而阿保非其人赤子推
於就濕誰其知之教令民之日月也德澤民之雨露也縱使
教令嚴明而德澤不降萬物枯槁於日月之下者多矣吾湖
自宜廟分符治邑歷後先諸君子均有養民之惠義田之設
其所以為湖計者更深且遠也知縣陳熙昌義田跋夫義田
所以拯水火之民而節強本之豪者也余聞有千金者能罄
十里之室萬金之家則制百里之命蓋權豐凶逐子母算日
月量籌按券稍不及時轉展而尾大於身一家之命敗於擔
石之供嗟哉弗可藥已而孝可身居堂廉心隱蔀屋勃焉興
懷慨焉出俸置為義田方欲以十二之法甦全湖之民使得

終其願則遂氏求野稻人修穡陳殷之風行將再觀何天不
惠吾民奪其慈母余來受符方冊具在而問之司庾則廩無
儲求之名姓則民無與責之敘息則囂無入若是則孝可之
苦心將淪為閭猾之淵藪乎余遂計以此租付之輸運擇人
而掌之俾貧窮無伺侯之勞鄉曲得婉轉之便催輸無官府
之虞利澤及顛連之侶即有巧於取者能越于二息否更有
巧於借者能延於兩運否總簿書而核之計成額而覆之歲
遞積而遞殷民旋來而旋給孝可之遺澤長而余調停之術
可以久而不壞矣施太史記其事余為語以殿其石如此

國朝康熙六年清丈核實田地二百五畝六分三釐四毫

區河圩田九畝四釐九毫東十九都西區溪圩田一十八畝
六分六釐六毫禽圩田一十九畝一分八釐八毫尹圩東地
二十二畝四分九釐四毫轉圩田五畝一分二釐六毫亦圩
田一十三畝三分三釐一毫西十九都最圩田五十三畝三
分九釐六毫二十一都上扇伐圩田一十畝五分一釐四毫
華二十二都石圩田一十四畝三分七釐五毫二十一都房
圩田一畝四分六釐五毫二十一都捕圩田一十一畝四分
六釐四毫獲圩田一十六畝二分八釐五毫板圩田一十畝

二分八釐 縣徵租米一百八十三石二斗祠田四十畝五分一釐

釐五毫 華二十二都兩 西野筆談原定貧士三十六人造冊

存縣歲給米五斗四十五年知縣董天眷從諸生陸培風之

請覈實羨數均給益至八十餘人人給米七斗有奇

按碑文與朱志所載不符考初捐時意主救荒今邑中建

立社倉賑貧而此田官為經理專贍貧士歷數十年不復

改朱志不詳何人續置何人定規當是繼熙昌者變通其

法以廣尚忠仁澤 恒 承乏是邦仰體前賢恤士苦心核學

田及義田歲入租息除完正賦及解院司外仍遵舊例歲

終給上貧士米八斗次貧士米四斗又捐廉俸人給錢二

百文以佐膏火之資尤望後之君子共守斯意勿替爾

射圃 嘉興府柳志 在山川壇左有亭明成化中知縣朱德奉

學道鄭紀檄建 程志 嘉靖間築城後知縣劉存義遷壇於南

城外因併遷設知縣顧廷對置射器 尊一有罍壺二勺三爵

俎案八簋二罍一枌禁一篚罍案一洗一鐘一鼓一磬一琴

一瑟一笙一和一篇一塤一席九侯一侯架一乏一旌一弓

國朝雍正八年諸生張建寅議于大成殿後隙地作射圃

按邑有射圃石渠禮論所謂鄉射合樂之說也今射器久

廢射圃僅存其名而仍纂入者蓋邑人趙韓有云不無望

有其舉之者且使禮器雖亡他日按籍可稽亦得顧名思

復云

當湖書院張志在南門內陸清獻祠後乾隆十五年知縣閻

公銑遷崇文書院改置監生張嶸捐資建又捐銀一千兩歲

生息一百兩為院長東脩知縣閻公銑當湖書院碑記古之

於州黨莫不有學漢以降惟國學不廢宋慶歷中始詔天下

郡縣皆立學維時學之中舍宇足以聚生徒餼廩足以贍膏

火舉凡書籍器物無外求者又聘宿學重望之賢為之師故

來學嘗數十百人而儒術之盛直遠踵三代厥後朝廷設官

以教取人限於資格學之規制寢廢不復賢序之內絃誦聞

然此書院之設所以不可廢也夫書院助於唐而盛於宋集

賢麗正特創於京畿鹿洞鵝湖洵熾於州郡我

國家誕敷文教廣厲澤宮復

頒發帑金於各省建立書院郡縣亦令次第興舉丁卯春余自嘉

邑量移茲士訪舊有書院屋僅三楹湫隘逼仄又附在梵宇

殊非士人肄業地迨謁陸清獻公祠思公之學行純正洵足

勵風俗而正人心書院之設允宜在是且念自為諸生歲事

授徒通籍後辱郡縣敦迫謬主北平書院講席者數年茲膺

劇邑卒卒簿領未得時進諸生而教之廼捐修脯延南香陸

先生為山長集邑之雋講學會文於祠月以為常第齋廡無

多恒苦人滿周覽祠後尚餘隙地數弓廢為榛莽時日營指

畫思有以增廓之誦於力未果已巳冬會邑人張嶸願捐已

賞以成其美爰於庚午正月經始屬明經屈元瀛文學馬鵬

程董其事閱三月落成壯偉閎耀實實枚枚於是會講有堂

退息有室庖滷器用罔不畢備顏曰當湖書院從地也余因

之有感矣今夫士人窮年矻矻吟手披將以蕪揆藻摛華

朝

淹雅宏通之彥所在森列至從祀闕里廟庭惟清獻公一人

而縉紳之東西行過是邦者莫不蠲誠趨拜於祠下可知士

必先言懿行耳熟口傳茲復得昕夕仰瞻升堂習禮知必有感發

奮興慨然奉公為師法者將見經明行修之士接武駢肩處

於鄉則令人薰其德而善良仕於朝則使世蒸然而向化是

書院之設大有裨於風俗人心非余之新纂大門一間正誼

至願也哉遂書以稔後之肄業是堂者

明道堂三間左右書室二間閭公祠堂一間廚房一間乾隆

五十年知縣王恒重修添建樓房五間知縣王恒重修當湖書院碑記書院之設
由來尚矣集賢麗正前代所以育材鹿洞鵝湖先民所以講學方今

聖天子

誕敷文教壽考作人凡天下郡縣於黌序之外皆建立書院以聽守土者延師課士備

國家

樑棟之選誠盛軌也當湖舊有書院向附於僧寮以存其名乾隆十五年昌黎閻公來令是邑始於清獻公祠後隙地營建數楹其時邑人張矇捐資以成其美由是春誦夏絃得有其居焉第迄今多載風雨剝蝕葺治無聞師生撤席今歲四月余自慶元量移來茲展謁清獻公祠遂閱書院乃見荒涼頽落惕然於心于是首捐百金以為之倡遂有衿士戈宏垧沈炳沈朝煥徐鏡等合力釀金踴躍從事其董斯役者乃陸子龍馮錫貴二生不辭勤勞俾舊時廊宇煥然一新猶念解宇無多不敷分坐又為建樓五楹且以書院匾額舊在祠後從孝廉張誠昆仲之議並榜之於門使覽者昭然知為當湖肄業之所庶幾藏修息游足為多士勵志之地矣屈計是工始於乙巳五月十七日落於八月十三日凡八十餘日其木漆釘灰甃工匠之屬共用銀九百兩有奇所有出資以助斯役者悉書其姓氏於左若夫脩脯之所從出膏火之所

由資尚待另謀以誌別石嘻江浙固人文藪也而當湖尤為理學醇儒篤生之地何可使皐比絳帳設置無方函丈講堂淪于荒穢是區區之心實有所未安用是亟于整理不敢緩待而因循也是為記張誠重修當湖書院落成詩并序陸清獻公祠內為當湖書院年來漸就傾圮乙巳夏遵義王咸齋明府蒞我邑捐廉首倡重修余與邑中同志者共襄斯舉五月告成明府延師課士邑人烝然從焉先型不遠文教聿興喜而賦此

熙朝

理學啓當湖講院巍然祀大儒一日宮牆新黜聖十年風雨久榛蕪詩書遺教型多士洙泗真源震九區莫向瀛洲問消息斯文親炙是吾徒

聖主

臨雍

國壽年儒臣講學侍
經筵草芥未與園橋聽茂宰欽承
雅化宣棠蔭松源留絳帳琴移柘水播清弦
士民要識文翁意教取敦倫更力田
五十四年九月監生

張誠捐田一百二十畝九分八釐二毫東地二十畝一分六釐西地九畝九分二釐六毫蘆溼蕩一十五畝

十七都西區騰圩田三十

二畝三分九釐東十九都東區洛貴圩田一十畝八分八釐
七毫洛華圩田三十二畝四釐八毫浮凌圩東地一十五畝
六分六釐浮紀圩東地四畝五分東十九都西區將圩田六
畝五分九釐七毫兵圩田二畝八分八釐三毫冠圩田五畝
三分一釐四毫富圩田四畝五分六釐七毫肥圩田八畝六
分八釐五毫封圩西地九畝九分二釐六毫華二十二都岫
圩田八畝四分六釐二十四都康圩田四畝二分五釐九毫
二十五都亡圩田四畝八分九釐二毫南備界七甲中則蕩
一十畝租米一百七十石八合作爲諸生膏火義田知縣王恒義田碑記
平湖舊有書院三日靖獻曰天心曰介菴皆陸氏家塾至清
獻公講學泖上教授四方來學者又置爾菴書院其邑人士
津業之所則有崇文書院呂公書院鳳溪書院創建紛如何
至今無一存焉者無他無田以資膏火宜其旋興而旋廢也
乾隆乙巳夏予自慶元移宰茲土詢今敬業樂群之地僅有
當湖書院在清獻公祠後至則上雨旁風梁彫棟泐講堂鞠
爲茂草于是始議葺治朽者易之摧者整之荒者增廓之周
以墻垣加以塗堅旣竣捐俸課士月兩試邑諸子皆樂從余
遊歷今五載矣然未可爲長久計也欲計長久非置田不可
卒以經費無所出尚遲而有待已酉秋有上舍生張誠請以

朝

已田若干畝作爲書院膏火田嗚呼此固予數年來有志未
逮者生以一入獨任其事功誠偉矣因以聞上官上官皆稱
善將請于

旌其義會生應省試還俄得疾竟赴道山乃不果方生應童
試時予見其謹厚醇篤卜其遠到此年以來績學砥行樂善
不倦凡葺聖廡修賢墓施貧窮瘞暴骨無不傾貲以助今復
爲此通邑未爲之舉尤能人所難惜乎天不永年未竟其志
然自有此舉當湖書院可以歷久不廢異日湖人士讀書其
中者蒸蒸然起皆將追誦生德世世不忘生其雖死而猶不
死也生字斯立號思笠誠其名予于其旣卒也乃勒石以記
其事并定爲課程歲甄別一次取肄業生五十人人歲予膏
火銀五金咸取給于田其試日供饌及前列紙筆之費則仍
予捐俸資之他日有能繼起而增益之者是又予之所厚望
也其所捐田畝號段并歲息詳數並載于石之左方以憑稽
核茲不具書張誠當湖書院義田後記乾隆五十四年己酉
秋從弟誠以田一百六十六畝有奇作爲當湖書院義田告
于邑侯咸齋先生先生高其義旣聞于大吏未幾而弟無祿
先生惜之撰義田記刊石屬余書其後余竊見先生蒞任以
來五年于茲百廢具舉尤孜孜于振興文教培養人材嘗以
書院膏火無資懼其後之不繼間與鄉士大夫言輒扼腕躊

踏而先生為政寬仁公恕又不肯拂人之情強人以所不欲
苦人以所難惟俟人好善有誠出于其心之不容已而後乃
誘掖之獎勸之宜吾弟是舉之深契先生心也嗚呼吾弟少
遭閔凶三年而喪吾叔父元若公七歲而先大父丹九公見
背零丁孤苦克早自樹立稍長受先人遺產慕義好施恒惴
惴不克負荷是懼昔叔父嘗為余言生平有大願將以惠吾
桑梓余問何事笑而不答曰他日汝自知之今叔父之墓木
拱矣余又安從一証前言然安知吾弟此舉之不與叔父之
志有隱相脗合者乎抑冥冥之中佑啟吾弟使之宏此願力
一踐夙志乎今吾弟又往矣然吾知吾弟自幼備聞前言實
能以其好善之心仰體叔父于九原也且吾鄉自明建邑以
來貴冑豪門其克世守先業者無幾獨陸氏景賢祠贍族義
田數百年不改今吾弟更能以先人之業公諸通邑讀書敦
行之士數百年後通邑讀書敦行之士猶知是田為某之孫
某之子所置也是真能推廣吾大父吾叔父之德其庶幾不
墜前人之緒者與弟既卒余哭之慟適承咸齋先生之命因
伸其私情以復于先生先生並命予與參善後未議余因之
有感焉往者羅邑侯化成置田一百四十畝以贈貧士湖人
至今尸祝之今先生愛才養士勤勤懇懇嘉吾弟之創置是
田并為是田籌可久可繼之策異日湖人歌頌先生當無異

羅公吾弟得附驥益顯知縣王恒詳憲立案設司歲一人掌
是又吾弟之深幸也夫

田息出入之事定肄業生員二十人童生三十人人歲給膏
火銀五兩並立規條刻石

一清戶管張誠新捐田地蕩舊冊
戶名張丹九今折立當湖書院當
飭庄架書印註推收文契業單編號鈐印交司歲掌管以杜
日久盜賣盜買之弊一重經理司歲輪年更換邑紳士公保
延請伏讀雍正十三年

上諭嗣

後各州縣果有殷實良民倡立義學義田等事許其具呈本
縣詳報立案仍聽本人身自經管胥吏土豪不得干涉希圖
漁利欽此今張誠倡捐義田每年司歲應聽本家協同保舉
一絕挪移義田租息止供寒士膏火一切公事概不借用至
山長修金自有張嶸舊捐銀歲生息一百兩毋煩分新捐花
息當事及司歲幸勿徇私一籌賦稅捐田在乾隆五十四年
九月初一日是年條銀張誠掃數全完惟漕米未完嗣後交
代即以捐田日為期司歲者完當年漕米再完下年條銀如
遇歉歲告知當事停給半載膏火留待後司歲完賦一定課
額每年正月知縣甄別一次取定正課生童按月分給膏火
自二月起至十一月止又取附課生童一百人不給膏火正

課三次不到于附課挨名頂補一嚴試程課期以月之初二
 十六日為期知縣親至院中與山長命題局試並延請學師
 監之一備修葺院宇歲加整理為費較省遇當事公出山長
 不到院停一兩月課積有餘資司歲量為葺治一謹出入租
 米在院斛收預飭各佃冬至後三日照額清還司歲給予收
 票如拖欠及過期不還照羅租例入比較薄着圖差勒追司
 歲無論米價貴賤隨收隨糶立冊登
 記以憑交代仍條開細數貼院中

按舊時當湖山長歲或一至課典久虛恒蒞任之初即延

請師長定期局試五年於茲罔或有間始因院中無田捐


俸課士今邑人張誠倡捐書院義田從此肄業諸生膏火

有資所賴賢師長訓課不倦文風自蒸蒸日上至試日飲

饌卷費筆資因田息未敷恒仍捐俸以培養寒素稍盡為

國儲材之責共相砥礪是在後之蒞斯土者

當湖書院圖一



觀海書院在乍浦南門內舊名九峯書院乾隆四年

海防同知林緒光建計八間

劉錫勇九峯書院記浙江沿海諸堡至乍浦而盡比年增修邊

朝

防設文武官吏以鎮壓之山川清淑之氣蜿蜒盤礴鬱之久
 而必彰將於是乎蔚人傑以顯地靈也而我林使君乃於是
 時建九峯書院以教子弟焉夫書院之設在宋為白鹿洞爰
 倫示訓不啻日月經天矣元代亦設山長以誨諸生而前明
 顧端文公東林講學最善誘人我

重道崇儒人林輩出鄉賢陸清獻公挺生其松陽講義一書
 深切著明足為後學規則令當世師以是傳弟以是習行見

謂其謂修已治人明體達用之道胥在乎是而望此土之化
 行而俗美也抑昔之善造士者莫若胡安定公經義治事兩
 齋備內聖外王之學顧是時公本教授蘇湖職有攸司使君
 乃以憲邦重望防邊治海之殷繁勤勤於此舉職思其外洵

非尋常俗吏之所能及矣使君名緒光字鳳溪號餘齋福建
 侯官人初以舉人宰平湖收任海寧遷乍浦海防同知今攝
 兵備道篆書院落成於乾隆四年夏四月是役也里
 人宋炳率諸同志協力贊襄厥功甚偉例得附書

張志三

十八年知縣董鈞改今名四十二年知縣劉雁題重建邑人

捐田地一十八畝五分四釐六毫東十九都東區寫星圩東地二畝五分八釐一毫又

祐圩田九畝二十都東區傅圩田一畝二分一釐六毫二十

都西區曰圩田一畝九分七釐一毫五絲川圩田二畝九分

七釐當地圩西租一十五石三斗五升官為辦糧又捐銀六

百兩歲生息為院長束脩按是役捐資重建者為監生朱錫

朱珩其捐銀諸人姓名舊志不載崇文書院程志因報功祠設號房一十四間明嘉靖間知縣

陳一謙立後廢高志纂

國朝雍正元年知縣林緒光移設德藏寺大殿後監生劉並佳

等捐資建改名鳳溪鳳溪林字四年知縣楊克慧改為崇文義學

乾隆五年知縣方以恭復舊名十五年撤料建縣丞署

天心書院程志在舊帶為陸氏義塾久廢按明松江莫如忠有記文冗不錄

靖獻書院九山補志在陳山以祀陸正久廢

呂公書院嘉興府吳志在南門外康熙中知縣呂猶龍建後

改為呂公祠邑人陳澄中置田三十畝奉祀今改為菴

爾安書院陸子年譜纂在顧書堵東陸清獻歸田後所築中

有傳心堂清獻著書于此今廢

栢林書屋浙江通志參廟學志在學門內東雍正六年邑人

胡紹泉俞錫齡張建寅沈方蕙建為會課公所俞錫齡栢林書屋跋馬心

易先達致書張維誠先生曰公門桃李更植松柏倘亦以節訓耶則知師以節訓士以節勵固不瀆為桃李敷榮取艷一

時也胡公原仲張公元夏沈君孝則同不佞仿故址之巽建
兩檐仍在柏林之中因籍舊名而顏之蓋欲以節自勵并希
後之居是屋而讀書於其間者亦以節勵云

按舊在敬一亭西不詳建人姓氏以教諭張蔚然樹栢故
名後圯卽其址建昌黎祠移建今所

義學朱志在治東城隍廟左康熙二十七年知縣朱維熊捐

建學基七分延請塾師講習廩餼俱知縣捐給知縣朱維熊
新建義學記

當湖學宮而外舊有社學明嘉靖間陳令一謙所建蓋仿古
小學蒙以養正之義法至善也址在縣治北暨報功坊側或
曰成化時會塞舒公并築舍於其上歷年久遠今則無復存
者惟陸氏義學仍天心書院拓地置田延師其中俾子弟之
貧且困者咸得就業顧此家塾於民間無與焉余親象之二
年考社學興廢因不禁喟然久之湖邑大海廻環生其地者
多鍾九峯三湖之秀以故名臣輩出科名盛甲七邑然茅簷
蓬戶豈無目不覩詩書身未習揖讓欲就學而無從者乎夫

教民成俗有司職也爰謀諸鄉先生及博士弟子員捐俸置
李生旃宅俾立為義學宅故存屋數間棖桷頽壞久不蔽風
雨鳩工庀材先以廳事三楹葺而新之為塾師講習地高爽
塏疏有踰其舊廳之後建三楹翦刈穢荒較故基稍廓焉凡
執經問字者坐列其內裕如也其旁又增以書屋南北各三
楹迴廊相接几淨牕明起居飲食無不宜者由門歷廳中有
小樓介其前司啟閉者宜居之至繞屋隙地可植竹繚以垣
墉嘉篁蔽蔭始鬱然云歲之某月與邑士大夫觀落成焉羣
屬余為之記余惟傳有之學猶殖也不殖將落古聖王惟慮
民之失學也故二十五家之間必有左右塾塾必有師師必
以仕而老于家者為之而其時無不學之民民亦敦禮義而
黜淫靡厥後法壞鄉閭子弟遂有終身不知學者此俗日偷
而風日薄也自今以往惟願湖之子弟求學而力不贍者欣
欣咸集而為之令者月給經師廩餼使無怠教而其父兄亦
不復驅之耕田服賈俾得卒業安在擬巍科而顯事功不從
此出也哉是役也董其成者廼太學生秦又容布衣陸雲亭
厥功不可泯例得附書張志三十六年知縣王瑋暨紳士共
勒之碑從士大夫請也

捐田地五十六畝八分六毫除辦賦外餘租作塾師廩餼知縣

王瑋社學義田碑記當湖雖僻處海隅而人文蔚起夙號名區其人類多喜榮名重文學雖匹夫編戶無不艷稱讀書其天性也然士之子恒為士則率父兄之教居多若巨家富族饒資財力能延師課日就月將自臻大成獨是閭閻齊民既不能身為教家貧又不能自為塾幼子童孫雖有殊姿無從授業淪為農賈藝術所在多有入情以為恨則所謂家有塾黨有庠術有序其制實不容已前任灤陽朱雪馨於康熙辛未捐建義學延邑生陳子應卜為之師俾願學者得就業焉至今駸駸日盛余於乙亥銓授當湖雪馨時為戶曹臨別為余述建學之意并道陳子之善教欲余踵厥成孟秋蒞茲士即往視之見陳子古風道貌恂恂乎士淵淵乎君子人師經師良不愧也爰是割俸資其廩餼集諸童來前賜之紙筆作勸孝歌編書於筵以勵之自此每月一至其所諸童呼唔佔畢陳子正襟危坐其中雖溽暑必具衣冠無倚容自晨至夕訓誨罔間弱冠者每月會文請題彙閱余一一評騭其高下筆鋒文陣月異日新文宗歲科兩試入泮者接踵非其明驗耶余喜之甚更慮之甚喜則喜陳子之教有成效慮則慮從游日衆脯脩實稀一旦喪殮莫給不能安其身則心不可用將教授弗專而斯席不暇暖也可奈何乃復捐置田三十畝供饋粥使得萃其力於訓蒙於是民咸躍然喜謂今而後

吾子弟或不至淪落廢業入於農賈藝術者流也余亦竊自慰因書顛末俾勒諸石願後之君子加意護持垂之永久庶不負雪馨之諄託并見余相助為理之初心其為厚幸何如哉 王瑋捐收圩田一十畝六分八釐八毫去圩田三畝三分八釐二毫辭圩田八畝四分二釐八毫奄圩田四畝六分八釐四毫箱圩田五畝四分四釐四毫耆民曹子詠捐流周圩田四畝八分五釐六毫西地一畝七釐生員趙策野捐綺圩東地二畝一分六釐五毫監生黃世祿捐號圩田一十六畝八釐 新纂大門一間二門一間觀成堂三間書廳三間小

屋三間乾隆五十三年知縣王恒添設義學二所一在新帶

一在新倉 並設社倉左 捐俸延師督課

社學嘉興府柳志在德藏寺東南塔東十步舊舒公井上明

宏治四年知縣林奇建程志嘉靖中知縣陳一謙復建三所

一在北門內其二在報功祠左右並久廢 馮汝弼建南社學記今之社學古之

小學也小學者對大學而為言者也小學以成始也大學以成終也然則小學者大學之基也可廢乎哉昔者聖人之作易也於升之象曰君子積小以高大漸之象曰君子以居賢德善俗夫積而後升善必以漸茲小學之說也人孰不曰今之為小學者伸紙捉筆而已矣佔畢句讀而已矣拜起坐立而已矣不知聖人之學心學也大學之道正其心而推之家國天下者也小學者收其放心而歸之正者也夫既收其放心而歸之正也則伸紙捉筆也而異日之羽翼聖經黼黻皇猷者胥此焉始矣佔畢句讀也而異日之學貫古今道通性命者胥此焉始矣拜起坐立也而異日之事上使下繼往開來者胥此焉始矣蓋學有小大心無小大彼正其心而推之家國天下者夫固今日之收其放心者為之也信乎發蒙之利童蒙之吉蒙以養正作聖之功也矧吾邑九山南拱九水東滙孕秀呈祥地靈人傑以左右王室怙恃生民德業相望先後彬彬焉養正之功尤易也社學舊在縣治西鬱林陳侯視篆之三年改卜於城之東南隅崇文書院之左右各一有堂有寢有蔬固有瞻田延鄉之行誼醇謹者為之師擇鄉之性資聰慧者為之弟子而屬余為之記余故即小學之始要太學之終而求之聖人之心使師知所以教弟子知所以學發山川之間氣紹先正之遺風以無負侯作人造士之盛

云心

江村義學新纂在縣南三十里朱江坊乾隆四十四年武舉

人孫斌創建書室三間翼房二間廚房二間並捐田五十畝

有奇

按斌所捐田均非絕賣之產甫捐旋即贖去現飭令將原價購補故圩號細數不載

以供束脩膏

火司事一人掌歲出入塾師一人凡童蒙貧乏不能延師者

皆得入學讀書有規條十則勒石

規條語不雅馴不錄

